

BƠ-ÀR ČOMRÛP KƠI PÔL
 PŌYOA TƠ MŌNIH
 KÔRINTÔ
 PƠNUAĨ WAỈH JỜLÀN

(Mững tǎl 1:1-9)

Pơnuai Čuǎ-Rowǎng

¹ Pôl, koyoa hơtai-khiǎng Yàng Pô Lơngì, hũ iơu-rơwah ngã jiǎng mōnih tǎdi-tǎdài Yàng Jêsu Krist, gǎm sǎng Sôthen, mōnih adơi-ai buǎl gudrơi, ² poyoa tơ Tơpuǎl Goh-Sơchìh Yàng Pô Lơngì lǎm Kôrintô, la du mōnih hũ pơsơchìh-sri lǎm Yàng Jêsu Krist, hũ angǎn la du mōnih sơchìh-sri, gǎm poyoa tơ abih tǎgrǎ mōnih dò lǎm abih tǎgrǎ anih lơi iơu-lơkơu angǎn Yàng buǎl gudrơi, Pô Yàng Jêsu Krist, la Yàng buǎl guǎu sǎng Yàng buǎl gudrơi. ³ Yòng lơkơu Yàng Pô Lơngì, Ama buǎl gudrơi, sǎng Yàng la Yàng Jêsu Krist bơi pơnuai anit-bơi-soh sǎng pơnuai rǎng-lơngai tơ buǎl adơi-ai.

Pơnuai Ừnjomừn

⁴ Dơlǎ jiǎng mǐt ừnjomừn Yàng Pô Lơngì dơlǎ mững buǎl adơi-ai, koyoa pơnuai anit-bơi-soh Pô hũ bơi tơ buǎl adơi-ai lǎm Yàng Jêsu Krist. ⁵ Koyoa lǎm Pô, buǎl adơi-ai hũ dơlah-dơlài mững tǎgrǎ pơnuai, gǎm pơnuai đờm sǎng pơnuai wǎ-wòng — ⁶ gǎm pơnuai ngã gơh mững Pô Krist kũng hũ ngã nìn-kojǎp lǎm buǎl adơi-ai — ⁷ tồ buǎl adơi-ai 'buh siǎu sa pơnuai bơi-soh gah bơngǎ lơi, lǎm tũ dò kraũ-çàng hơrơi Yàng Jêsu Krist, Yàng buǎl gudrơi, ràng-tơbiǎ pơnuai màng-kơçrà Pô. ⁸ Rùp-phủn Pô rờu ngã tơ buǎl adơi-ai hũ pràn-kojǎp tǎl truh tơ lủi-dủt, tồ buǎl adơi-ai hũ wĩl-tǎl lǎm hơrơi Yàng buǎl gudrơi la

Yàng Jêsu Krist. ⁹ Yàng Pô Longì la Pô ngã tui iơu yơu pơnuai Pô đờm pơguần, Pô hũ iơu-rơwah buol adơi-ai tơma lăm pơnuai nau-mơrai pơcuẩl-pơtòm sỡng Anà Pô, la Yàng Jêsu Krist, Yàng buol gudroi.

BRUĂ PƠỚRLAH KRƠI TỚRPUỐL SỜNG KRỜH JỜHÀ LĂM TỚRPUỐL SỚCIH-SRI TỚ KÔRINTÔ

(Mũng tẩl 1:10 truh tẩl 6:20)

Poto-Kơkơi Pẩl Sa Hơtai-Akỗ Lăm Pô Krist

¹⁰ Ở buol adơi-ai, mã angăn Yàng buol gudroi la Yàng Jêsu Krist, dơlɦă poto-kơkơi abih buol adơi-ai pẩl sa hơtai-akỗ sa pơnuai đờm sỡng gổũ, tồ lăm tởkrah buol adơi-ai 'buh hũ pơnuai pơỚrlah krơi tởrpuốl, bloh pẩl hờđiũ hờlăr-siàm, sa pơnuai sỡnững sa hơtai-hơtiàn sỡng gổũ. ¹¹ Koyoa, ơ buol adơi-ai, mớnih lăm sàng Klôe hũ bởi dơlɦă thờu lài lăm tởkrah buol adơi-ai hũ pơnuai tẩm-mơsau gổũ sỡng 'buh hờlăr-siàm sỡng gổũ. ¹² Pơnuai dơlɦă khiẩng đờm lài lăm buol adơi-ai yàu aràng đờm yơu ni: “Dơlɦă la mớnih tui Pôl,” halài: “Dơlɦă la mớnih tui Apôlỗs,” halài: “Dơlɦă la mớnih tui Sepha,” halài: “Dơlɦă la mớnih tui Pô Krist.” ¹³ Hũ iơũ Pô Krist hũ kỡng pơklah-krơi ơu? Hũ iơũ Pôl hũ kỡng aràng pỡng tở koyơu pơkẩl ala buol adơi-ai ơu? Halài hũ iơũ buol adơi-ai mã angăn Pôl bloh đờ-mẩ pơnuai 'baptem ơu? ¹⁴ Dơlɦă ưnjomừn Yàng Pô Longì, koyoa rơlau tở Krispus sỡng Gaius, dơlɦă 'buh hũ ngã 'baptem tở sa aràng mớnih lời lăm buol adơi-ai, ¹⁵ tồ 'buh aràng sỡi hũ rợgời đờm lài hũ mã angăn dơlɦă bloh đờ-mẩ pơnuai 'baptem. ¹⁶ Dơlɦă kỡng hũ ngã 'baptem tở du mớnih lăm sàng-dơnò Sephana rời. Rơlau tở sàng nữn, dơlɦă 'buh thờu dơi hũ ngã 'baptem tở mớnih lời pơkỡn ơu. ¹⁷ Koyoa Pô Krist 'buh pơđẩr dơlɦă truh tồ ngã 'baptem, bloh tồ poto-akhàn Pơnuai-Siàm,

'buh angui du pơnuai lo'ba khờh tô poto-akhàn, huớ lài koyou pøkäl Pô Krist rồu tobiã jĩng 'buh kwơ-màng.

Pô Krist La Gơnăp-Gơnuăr Sờng Pơnuai Jak-Khờh Yàng Pô Lơngì

¹⁸ Koyoa pơnuai poto-akhàn mừng koyou pøkäl sờng du mớnh mọtai-lohiã bơi la bớngũl-gơla, bloh sờng buớ gudroi, la du mớnh hũ đờng-pøkłàh, nừn la gơnăp-gơnuăr Yàng Pô Lơngì. ¹⁹ Koyoa hũ pơnuai wă:

“Kou rồu pơluĩ-pơlohiã pơnuai jak-khờh mớnh jak-khờh,

Kou rồu suă-prah pơnuai thơu-wờng mớnh thơu-wờng.” *

²⁰ Mớnh jak-khờh dò anih lơi? Du mớnh gơnuăr-poto pơnuai adăt-adia dò anih lơi? Du mớnh jak đờm-pơjai rài ni dò anih lơi? 'Buh iớ Yàng Pô Lơngì hũ ngă tơ pơnuai jak-khờh dun-ya tobiã jĩng bớngũl-gơla ơu? ²¹ Koyoa dun-ya gơnàng tơ pơnuai jak-khờh đroi, 'buh gơnừm tơ pơnuai jak-khờh Yàng Pô Lơngì tô kràn-thơu Yàng Pô Lơngì, nừn Pô siàm-hotai angui pơnuai poto-akhàn bớngũl-gơla buớ gudroi bloh đờng-pøkłàh du mớnh păng-tui. ²² Lăm tũ mớnh Juda đờ ỡ du nàl-crih, mớnh Grek tui-duah pơnuai jak-khờh, ²³ nừn buớ gudroi poto-akhàn lài Pô Krist hũ kờng pờng tơ koyou pøkäl, la pơnuai mớnh Juda ỡ la jờhà-mơlou biã, sờng buớ làng agàh ỡ la hơnrui-gơla. ²⁴ Bloh sờng du mớnh hũ Yàng iớu-rowah, yah la mớnh Juda halài mớnh Grek, nừn Pô Krist la gơnăp-gơnuăr sờng pơnuai jak-khờh Yàng Pô Lơngì. ²⁵ Koyoa pơnuai ỡ yơu bớngũl-gơla Yàng Pô Lơngì la jak-khờh rơlau tơ pơnuai jak-khờh jời anà mớnh, sờng pơnuai ỡ yơu 'buh pràn-khăng Yàng Pô Lơngì la pràn-khăng rơlau jời anà mớnh.

* 1:19 1:19 Êsai 29:14.

²⁶ Ở buol adoi-ai, ỡ sỡnững bẻ tũ buol adoi-ai hũ iou-
rowah, lăm buol adoi-ai 'buh hũ hỡdùm aràng mớnh
jak-khờh tui mớnh rài dun-ya ni ỡ, 'buh dùm aràng hũ
gõnuãr-pràn, kũng 'buh hũ dùm aràng dò lăm tỡpuoỉ joi-
potiàn mớnh màng gõn-hữp. ²⁷ Bloh Yàng Pô Lỡngì hũ
rowah du pỡnuai bỡngũỉ-gõla lăm dun-ya tô ngã mớlou
alah du mớnh jak-khờh. Yàng Pô Lỡngì hũ rowah du
pỡnuai hỡgẻ 'buh khẵng-pràn lăm dun-ya tô ngã mớlou
alah du mớnh pràn-khẵng. ²⁸ Yàng Pô Lỡngì hũ rowah du
pỡnuai 'buh prỡng-màng sỡng kỡng aràng ỡ la 'buh sỡp
lăm dun-ya, gẵm sỡng tỡgrỡ pỡnuai 'buh hũ, tô ngã pỡluỉ-
pỡlohiã du pỡnuai hũ bỡjỡ, ²⁹ tô 'buh sa aràng mớnh
lỡi khỡn yeh-dỡi pỡglỏng-rùp tỡ anaũ Yàng Pô Lỡngì.
³⁰ Koyoa gỡnừm tỡ Pô bloh buol adoi-ai hũ dò lăm Yàng
Jêsu Krist, Pô bloh Yàng Pô Lỡngì hũ ngã jỡng pỡnuai jak-
khờh, pỡnuai rỡng-tỡpã, pỡnuai sỡch-sri, sỡng pỡnuai
dỡng-pỏklàh tỡ buol gudrỡ; ³¹ koyoa nửn, yỡu pỡnuai hũ
wã:

“Aràng sỡi yeh-dỡi pỡglỏng-rùp, nửn yeh-dỡi
pỡglỏng-rùp bẻ lăm Yàng.” †

2

Pỡnuai Phữn Pỏt Pỏto-Akhàn

¹ Ở buol adoi-ai, tũ truh sỡng buol adoi-ai, dỡnhã 'buh
angui du pỡnuai glỏng-tỡđỡũ halài pỡnuai jak-rỡgỡi tô
pỏto-akhàn mửng pỡnuai tỡđỡũ-dỡrlăm Yàng Pô Lỡngì
tỡ buol adoi-ai. ² Koyoa dò tỡkrah buol adoi-ai, dỡnhã
hũ ngã-nìn lài, dỡnhã 'buh thỡu hỡgẻ pỏkỡn rỡlau tỡ
Yàng Jêsu Krist, sỡng Yàng Jêsu Krist kỡng pỡng tỡ koyỡu
pỏkãl. ³ Rùp-phữn dỡnhã dò tỡkrah buol adoi-ai ỡ ngã
yỡu 'buh khẵng-pràn, huỏi kỏđa, sỡng kỏỡ dỡi. ⁴ Pỡnuai
dỡnhã đờm sỡng pỡnuai dỡnhã pỏto-akhàn 'buh gỡnàng

† 1:31 1:31 Jeremi 9:23,24.

tơ du pơnuai đờm lơ'bả khờh jak-rơgơi tô pơlua jà, bloh la pơnuai ràng-tơbiã gơnấp-gơnuār Bơngã Sơcìh-Sri, ⁵ tô pơnuai pãng-tui buớl adơi-ai 'buh gơnàng tơ ngỗ pơnuai jak-khờh jơi anà mơnih, bloh la tơ ngỗ gơnấp-gơnuār Yàng Pô Lơngì.

Pơnuai Jak-Khờh Yàng Pô Lơngì

⁶ Yah yơu nữn, sỡng du mơnih hũ prỡng lăm Yàng, buớl đờhã sớđau poto-akhàn pơnuai jak-khờh, bloh 'buh iớu pơnuai jak-khờh tui rài dun-ya ni, halài pơnuai jak-khờh du mơnih apăn-akõ rài ni, la du mơnih rớu pãl kỡng mọtai-lớhiã. ⁷ Bloh buớl đờhã poto-akhàn pơnuai jak-khờh Yàng Pô Lơngì, la pơnuai tởđờu-dờlãm hũ bớđờu-tởđờu, bloh Yàng Pô Lơngì hũ ngã-nìn đờlhou mững tởgrớ rài tơ pơnuai màng-kớcrà buớl gudrơi. ⁸ Nữn la pơnuai 'buh sa aràng mơnih apăn-akõ lơi lăm rài ni thớu jiỡng. Koyoa yah buớl guũ thớu, nữn buớl guũ 'buh pỡng Pô Yàng màng-kớcrà tơ ngỗ koyou pỏkãl ơu. ⁹ Bloh, yơu pơnuai hũ wã:

“Tởgrớ hợgẽ mọtã ka hũ 'buh, tởnia ka mớhữ,
Sỡng họtai-hotiàn anà mơnih ka sỡnững truh,
Nữn Yàng Pô Lơngì hũ rớchãng-piờh lờih tởgrớ pơnuai
nữn tơ du mơnih duh-rỡnãm Pô.” *

¹⁰ Yàng Pô Lơngì hũ angui Bơngã Sơcìh-Sri tô ràng-tơbiã du pơnuai nữn tơ buớl gudrơi. Koyoa Bơngã Sơcìh-Sri ớ-thớu abih tởgrớ mọtã, gãm truh pơnuai tởđờu-dờlãm Yàng Pô Lơngì rới. ¹¹ Koyoa aràng sới thớu jiỡng pơnuai-sỡnững lăm họtai-hotiàn anà mơnih, yah 'buh iớu la họtai-bơngã dò lăm rùp-phũn mơnih nữn. Kũng yơu nữn rới, rớlau tơ Bơngã Sơcìh-Sri Yàng Pô Lơngì, 'buh aràng sới thớu jiỡng họtai-sỡnững tởđờu-dờlãm Yàng Pô Lơngì. ¹² Bloh, buớl gudrơi 'buh đờ-mã bỡngã gớdrũh

* 2:9 2:9 Êsai 64:4.

dun-ya, bloh la đê-mă Bôngă Sôçih-Sri mǔng Yàng Pô Longì, tô hũ rợơì wờng thơu jǐng đợgrợ pơnuai bợơi-soh Yàng Pô Longì bợơì tợ buol gudrợi. ¹³ Buol đợl hă poto-akhàn pơnuai ni, 'buh gơnừm tợ du pơnuai đờm jak-rợơì koyoa hũ mợgru-thơu mǔng anih pơnuai jak-khờh jợi anà mơnih, bloh la gơnừm tợ pơnuai Bôngă Sôçih-Sri hũ poto-pơsài, angui pơnuai-kotha gah bợngă tô mợblàng-tợbiả du pơnuai-tợpă gah bợngă. ¹⁴ Mơnih 'buh hũ Bôngă Sôçih-Sri 'buh đê-mă jǐng du pơnuai mǔng Bôngă Sôçih-Sri Yàng Pô Longì, koyoa mơnih nừn đợ du pơnuai ni la hơnrui-gola, sỡng 'buh rợơì wờng jǐng, koyoa păl gơnừm tợ Bôngă Sôçih-Sri nừn ka hũ rợơì đợ wờng jǐng. ¹⁵ Bloh, mơnih hũ Bôngă Sôçih-Sri nừn đợhợnă đợgrợ mợta, sỡng rùp-phủn đợi nừn 'buh kợđòng aràng sợi đợhợnă.

¹⁶ “Koyoa aràng sợi hũ thơu jǐng hợtai-sợnừng Yàng tô poto-pơsài Pô?” †

Bloh gơnừm tợ Bôngă Sôçih-Sri, buol gudrợi hũ hợtai-sợnừng Pô Krist.

3

Bruả Pợđợrlah Kợi Tợrpuol

¹ Ở buol adợi-ai, đợl hă 'buh rợơì đờm sỡng buol adợi-ai yờu đờm sỡng du mơnih hợdiủ tui Bợngă Sôçih-Sri, bloh yờu đờm sỡng du mơnih hợdiủ tui gah rùp-phàp drah-rợlo, yờu sỡng du anà mợngă lăm Pô Krist. ² Đợl hă hũ bợơì buol adợi-ai mợnừm ia tợsợu, bloh 'buh iợủ 'bỡng phỡn-koya khỡng, koyoa buol adợi-ai ka kỡng jai. Bloh truh tữ ni buol adợi-ai kỡng sợđầu ka kỡng jai ợu rợi. ³ Koyoa buol adợi-ai sợđầu hợdiủ tui gah rùp-phàp drah-rợlo. Buol adợi-ai sợđầu dò oàn-mợbai, tấmlah-tấmmợsau gợi; yờu nừn, 'buh iợủ buol adợi-ai sợđầu

† 2:16 2:16 Êsai 64:4.

hodiũ tui gah rùp-pháp drah-rôlo you mônih dun-ya ou?
 4 Tũ mônih ni đờm: “Đơlħă la mônih tui-mơgru Pôl,” sỡng mônih pỏkỡn đờm: “Đơlħă la mônih tui-mơgru Apôlỗs,” nỡn buỏl adỏi-ai 'buh iỏũ you mônih dun-ya ou? 5 You nỡn, Apôlỗs la aràng sỡi? Pôl la aràng sỡi? Buỏl guũn mỡn la du mônih hỏlũn-hỏlă Yàng, du mônih đờng buỏl adỏi-ai pẵng-tui Yàng, sỡng yàu aràng ngắ tui pỡnuẩ Yàng hũ bới tỡ dới. 6 Đơlħă hũ pla, Apôlỗs hũ tuh ia, bloh Yàng Pô Lỡngì hũ ngắ tỡ ñũ tỡgồ prỡng. 7 Koyoa nỡn, mônih pla, mônih tuh ia, 'buh hũ hỡgẽ la prỡng-màng, bloh mỡn Yàng Pô Lỡngì la Pô ngắ tỡ ñũ tỡgồ prỡng. 8 Mônih pla, mônih tuh ia la you gỏũ, yàu aràng rỏũ đờ-mă hũ pỡnuẩ moyòm-bới tui iỏũ sỡng bruă dới hũ ngắ. 9 Koyoa buỏl đờlħă la du hỏlũn-hỏlă Yàng Pô Lỡngì sỡng la du mônih adỏi-ai gỏũ ngắ bruă gẵm sỡng gỏũ; buỏl adỏi-ai la 'blàng hỏma Yàng Pô Lỡngì, la sàng sàng Yàng Pô Lỡngì.

Pô Krist La Rỡnỡ Tớrupỏl Goh-Sỏcỡh

10 Tui pỡnuẩ anít-bới-soh Yàng Pô Lỡngì hũ bới tỡ đờlħă, đờlħă hũ bỡ rỡnỡ you sa aràng mônih khờh bỡ, dò mônih pỏkỡn nỡn bỡ ngắ tỡ ngổ rỡnỡ nỡn. Bloh yàu aràng pắl ỡ-kỏrhia ñĩ-nùn mỡng tỡgrỡ hỡgẽ dới bỡ ngắ tỡ ngổ rỡnỡ nỡn. 11 Koyoa, 'buh aràng sỡi hũ rỡgỡi bỡ sa boh rỡnỡ pỏkỡn rỏlau tỡ rỡnỡ hũ bỡ, la Yàng Jêsu Krist. 12 Yah hũ aràng sỡi angui mờh, priă, pỡtầu ỡk-màng, kỏyờu, rỡ thu halài pờng tồ bỡ ngắ tỡ ngổ rỡnỡ nỡn. 13 Bloh bruă yàu aràng ngắ rỏũ hũ ràng-tỏbiẩ tỡ pỡnuẩ sỏrdah. Hỏrỡi ỡhỏrỡnă rỏũ bới 'buh loh-làng bruă ngắ nỡn, ñũ rỏũ kỡng ràng-tỏbiẩ lẵm apui, sỡng apui rỏũ lờng-ỡrủh sỡng bới thỏu hỏjũng-mỏboh. 14 Yah bruă aràng sỡi bỡ ngắ tỡ ngổ rỡnỡ hũ dò wỡ, mônih nỡn rỏũ đờ-mă hũ phỡn moyòm-bới. 15 Yah bruă aràng sỡi kỡng

apui pơluĩ-pơlơhiã, nũn rơũ lơhiã phỡn moyòm-bơoi. Dò mững pơ-ơnah mơnih nũn, rơũ hũ đống-pơklàh, bloh mớhiỡ yơu mơnih pơpa hũ tởbiã klàh mững apui 'bỡng.

Mơnih Pãng-Tui Yàng La Sàng Duh-Dỡbắt Yàng Pô Lợngì

¹⁶ Buớl adỡi-ai 'buh thỡu lầi buớl adỡi-ai la sàng duh-dỡbắt Yàng Pô Lợngì, sỡng Yàng Bỡngã Sỡcìh-Sri Yàng Pô Lợngì dò lẳm buớl adỡi-ai ơu? ¹⁷ Yah aràng sỡi pơluĩ-pơlơhiã sàng duh-dỡbắt Yàng Pô Lợngì, nũn Yàng Pô Lợngì rờũ pơluĩ-pơlơhiã mơnih nũn. Koyoa sàng duh-dỡbắt Yàng Pô Lợngì la sỡcìh-sri, sỡng sàng duh-dỡbắt nũn la rùp-phũn buớl adỡi-ai. ¹⁸ Juới pỡng-gớla rùp-phũn dờoi. Yah aràng sỡi lẳm buớl adỡi-ai sỡnũng dờoi la jak-khờh tui rài ni, nũn tởbiã jỡng bỡngũl-gớla bẻ, tồ hũ jak-khờh biã. ¹⁹ Koyoa pỡnuẩi jak-khờh rài ni la pỡnuẩi bỡngũl-gớla tỡ anaũ Yàng Pô Lợngì. Yờu hũ pỡnuẩi wả:

“Yàng mả hũ du mơnih jak-khờh lẳm rùp-phũn pỡnuẩi sỡnũng-bỏyại jak-khờh buớl guũn.” *

²⁰ Sỡng:

“Yàng thỡu loh-làng pỡnuẩi-sỡnũng mơnih jak-khờh la 'buh kwỡ-màng hợgẻ.” †

²¹ Yờu nũn, juới aràng sỡi yeh-dờoi mững jỡi anà mơnih. Koyoa abih tỡgrỡ mớta la gẳm sỡng buớl adỡi-ai. ²² Pôl halài Apôlỗ, Sepha halài dun-ya, pỡnuẩi hỡdiũ halài pỡnuẩi mớtai, bruã tũ ni halài bruã rờũ truh; abih tỡgrỡ mớta la gẳm sỡng buớl adỡi-ai. ²³ Buớl adỡi-ai la gẳm sỡng Pô Krist, Pô Krist la gẳm sỡng Yàng Pô Lợngì.

4

Mỡn Yàng La Pô Čahroĩa

* 3:19 3:19 Jop 5:13. † 3:20 3:20 Pốđih Adoh Moyòm 94:11.

¹ You nŭn, tɔgrɔ mɔnih pǎl ɔ bɛ buɔl dɔlhǎ you du mɔnih hɔlŭn-hɔlǎ Pô Krist, sɔng kŭng you mɔnih apǎn-akɔ gǎr-ɔsàng, hŭ Yàng Pô Lɔngì jào gɔnuǎr-bruǎ mɔblàng-tɔbiǎ du pɔnuǎi tɔrđoũ-dɔrlǎm Pô. ² Rɔlau wɔ, pɔnuǎi aràng khiǎng duah 'buh anih mɔnih apǎn-akɔ ɔsàng gǎr la pǎl tɔpǎ sa hɔtai-hɔtiàn. ³ Mŭng pɔ-ɔnah dɔlhǎ, yah kɔng buɔl adɔi-ai halài kɔng anih ɔahrɔña lǎm rài ni ɔahrɔña, nŭn kŭng 'buh pɔrɔng-màng hɔgɛ. Rùp-phŭn dɔlhǎ kŭng 'buh ɔahrɔña rùp-phŭn droi rɔi. ⁴ Koyoa dɔlhǎ 'bu 'buh droi hŭ hɔgɛ sŭng asŭ, bloh 'buh iɔũ koyoa nŭn bloh dɔlhǎ hŭ angǎn la rŭng-tɔpǎ. Pô ɔahrɔña dɔlhǎ nŭn la Yàng. ⁵ You nŭn, juɔi ɔahrɔña aràng soi dɔlhou tɔ tũ-hɔrɔi Yàng truh. Rùp-phŭn Yàng rɔi ba pɔtɔbiǎ tɔ pɔnuǎi sɔrdah abih tɔgrɔ hɔgɛ hŭ bɔdɔũ tɔrđoũ lǎm anih kɔnǎm, sɔng ràng-tɔbiǎ abih tɔgrɔ pɔnuǎi anà mɔnih bɔyai-sɔnŭng lǎm hɔtai-hɔtiàn. Tũ nŭn, yàu aràng rɔi đò-mǎ hŭ pɔnuǎi mɔyòm-brɔi mŭng Yàng Pô Lɔngì tui iɔũ sɔng bruǎ droi ngǎ.

⁶ Ở buɔl adɔi-ai, koyoa kwɔ-màng tɔ buɔl adɔi-ai, dɔlhǎ hŭ angui pɔnuǎi tɔpǎ ni tɔ đòm mŭng rùp-phŭn dɔlhǎ sɔng Apôlô, tɔ buɔl adɔi-ai tui kɔrɔh buɔl dɔlhǎ bloh mɔgru thɔu pɔnuǎi ni: “juɔi sɔrlèt tɔbiǎ rɔlau tɔ agàh du pɔnuǎi hɔgɛ hŭ wǎ,” tɔ 'buh aràng soi lǎm buɔl adɔi-ai tɔbiǎ hɔtai-hɔtiàn yeh-droi pɔglòng-rùp, tui gah mɔnih ni tǎmdrǎ-wɔ sɔng mɔnih dih. ⁷ Koyoa, hŭ aràng soi pɔklah-kroi adɔi-ai gɔũ sɔng mɔnih pɔkɔn ɔu? Hŭ pɔnuǎi hɔgɛ adɔi-ai gɔũ hŭ bloh 'buh iɔũ koyoa đò-lɛng ɔu? Yah adɔi-ai gɔũ hŭ đò-lɛng, nŭn kɔđa hɔgɛ dò yeh-droi pɔglòng-rùp you ka tũ lɔi đò-lɛng?

⁸ Buɔl adɔi-ai hŭ tɔi tɔl bɔjɔ, hŭ mɔđa gɔn-hŭp bɔjɔ! Buɔl adɔi-ai hŭ ngǎ pɔtau apǎn-akɔ bɔjɔ bloh 'buh ɔàng truh buɔl dɔlhǎ. Lɔkɔu-khiǎng hɔgɛ buɔl adɔi-ai hŭ ngǎ

potau biã tô buol dolhã kũng hũ ngã potau gãm sãng buol adoi-ai! ⁹ Koyoa dolhã sỡnũng lài, Yàng Pô Lỡngi hũ daũ du mớnh tỡdi-tỡdài buol dolhã lẵm anih biề tỡ ala rớlau abih, yờu du mớnh kớng ngã nìn-glài pớmotai. Buol dolhã tỡbiã jỡng pớnuai klau-sờh tỡ dun-ya, tỡ mớnh gớdrũh sỡng tỡ jỡi anà mớnh. ¹⁰ Buol dolhã la du mớnh bớrngũl-gớla koyoa Pô Krist, bloh buol adoi-ai nũn hũ jak-khờh lẵm Pô Krist. Buol dolhã 'buh khẵng-pràn, dò buol adoi-ai nũn pràn-khẵng. Buol adoi-ai hũ aràng cớ prớng-màng, dò buol dolhã nũn kớng aràng cớ 'buh sớp. ¹¹ Tỡl truh tỡ tũ ni, buol dolhã sớdaũ dò kớng lỏpa, kớng mớhau, 'buh tỡl khẵn-ào tỡ cù, kớng aràng ngã-pờng, cớrlah-cớrlỏp hớrỡi ni anih ni hớrỡi bớgi anih dih. ¹² Buol dolhã pẵl ngã bruã gleh-glỡr sỡng tỡngàn phũn dời tỡ hớdiũ. Tũ kớđồng alẽ-aluah, buol dolhã lỏkớu lỏngai-potuah; tũ kớng mã-pỏkớũ, buol dolhã kớng ấ-ữn; ¹³ tũ kớng aràng đờm bớrlỡi-bớdah, buol dolhã đờm sớđồ vớ rớlẽ-siàm. Buol dolhã tỡbiã jỡng yờu phớn thũl-sớũ lẵm dun-ya, yờu phớn sớũ-bớũ sỡng abih tỡgrớ mớnh tỡl truh tỡ tũ ni.

¹⁴ Dolhã wã du pớnuai ni, 'buh iớũ tỡ ngã tỡ buol adoi-ai mớlớu alah, bloh tỡ kớkới-pỏtỏ buol adoi-ai yờu du mớnh anà dolhã ưỡn-rỡnẵm. ¹⁵ Yah lài buol adoi-ai hũ sa-pluh rớbớu aràng mớnh pớgru lẵm Pô Krist, bloh buol adoi-ai 'buh hũ lỏ ama. Koyoa gớnũm tỡ Pớnuai-Siàm, dolhã hũ pớjỡng tỡbiã buol adoi-ai lẵm Pô Krist Jớsu. ¹⁶ Yờu nũn, dolhã lỏkớu kớkới buol adoi-ai: pẵl đờm bẽ kớrh dolhã. ¹⁷ Koyoa pớnuai nũn, dolhã hũ pớđỡr Timỏthe truh sỡng buol adoi-ai. Nũ la anà dolhã rỡnẵm biã lẵm Yàng, kũng la mớnh tỡpã sa hotai-hotiàn. Nũ rớũ pớsớđờ vớ tỡ buol adoi-ai mũng du jớlàn-sớnah dolhã lẵm Pô Krist, la jớlàn-sớnah bloh dolhã sớdaũ pỏtỏ-pớsài lẵm yàu Tớrpỏu Gỏh-Sớch tỡ abih tỡgrớ anih.

¹⁸ Hũ du mônih potobiã hotai-hotiàn yeh-droi pøglòng-rùp, koyoa sônŕng lài dolhã røũ 'buh truh sŕng buø adøi-ai tra. ¹⁹ Bloh yah Yàng khiäng, nŕn 'buh hødùm suøi tra dolhã røũ truh sŕng buø adøi-ai. Tũ nŕn, 'buh iøũ dolhã mĩn khiäng cø thøu du mônih yeh-droi pøglòng-rùp nŕn hoyøu løi, bloh kũng khiäng thøu buø guũ gønàng tø gønáp-gønũär løi wø. ²⁰ Koyoa lögär Yàng Pô Løngi 'buh gønàng tø pønuaĩ ðøm, bloh gønàng tø gønáp-gønũär. ²¹ Buø adøi-ai khiäng pønuaĩ høgë rølau? Khiäng dolhã apãn hwai bloh truh sŕng buø adøi-ai, halài khiäng dolhã mã pønuaĩ uøn-rønãm sŕng hotai-hotiàn lønguh-siàm bloh truh sŕng buø adøi-ai?

5

Glài-Sonoh Bũng-Pøkäl Lãm Torpuøl Goh-Søçih

¹ Hũ pønuaĩ ðøm potiøng lài tøkrah buø adøi-ai hũ bruã kømøi-løkøi bũng-pøkäl biã, tøl truh mônih buø làng agàh 'buh päng-tui Yàng kũng 'buh hũ yøu nŕn øu røi: nŕn la hũ mônih ðih-dø sŕng sødiũ jũng ama droi! ² Yøu nŕn bloh buø adøi-ai dò pøglòng-rùp! Pønuaĩ iøũ biã, nŕn la buø adøi-ai päl hia-cø sŕng prah luøi mônih ngã pønuaĩ nŕn klàh mũng tøkrah buø adøi-ai! ³ Mũng pø-ønah dolhã, yah rùp-phàp drah-rølo dolhã dò atàh, bloh hotai-bøngã søðau dò sŕng buø adøi-ai. Dolhã hũ ngã nìn-glài mônih ngã pønuaĩ nŕn, yøu dolhã hũ møta tø anih nŕn. ⁴ Tũ buø adøi-ai potòm-pøjũm gøũ wø, hotai-bøngã dolhã kũng hũ møta tø anih nŕn sŕng buø adøi-ai, mã angãn Yàng buø gudroi la Yàng Jøsu, gãm sŕng gønáp-gønũär Pô, ⁵ buø gudroi jào mônih yøu nŕn tø Satãn pøluĩ-pøløhiã gah rùp-phàp drah-rølo, tø gah bøngã-joa hũ ðøng-pøkłàh lãm høroi Yàng.

⁶ Pønuaĩ buø adøi-ai yeh-droi pøglòng-rùp biã 'buh hũ høgë la siàm. Buø adøi-ai 'buh thøu lài sa-sit tøpøi

ngã rô-đi abih sa tònai tốpũng-bràh ơ? ⁷ Prah luoi bẻ tốpoi klă, tô buol adoi-ai rơu tobiă jĩng tốpũng-bràh bớrhơu 'buh hũ tốpoi, yơu buol adoi-ai la pah 'buh hũ tốpoi rơi. Koyoa Pô Krist la Abo Anà pơnuai pojũm 'bõng Nau-Găn, hũ poyă ngã phỡn sì cẻ-poyởr duh-dỡlbăt kớng mọtai ala tơ buol gudroi bojơ. ⁸ Koyoa nũn, buol gudroi juoi angui tốpoi klă, la hotai-hotiàn lờ 'bờ mớsak-jờhà, bloh angui bẻ pah 'buh hũ tốpoi, la hotai-hotiàn goh-sớch sớng tốpă-tơpe, bloh 'bõng sờh sớđờ pơnuai pojũm 'bõng Nau-Găn.

⁹ Lăm bơ-àr wă poyoa tơ buol adoi-ai, dolhă hũ kớkoi-pỏđăr buol adoi-ai la juoi nau-mớrai sớng du mớnih ngã glài dri-sỏnh bũng-pỏkăl. ¹⁰ 'Buh iởũ dolhă khiăng đờm la juoi nau-mớrai sớng du mớnih lăm rài ni, la du mớnih ngã glài dri-sỏnh bũng-pỏkăl, halài du mớnih hàm-làm, du mớnih klẻ-blở, halài du mớnih duh-dỡlbăt rỏp-ràk. Koyoa yah yơu nũn, buol adoi-ai păl tobiă klàh mững dun-ya ni. ¹¹ Bloh pơnuai dolhă wă kớkoi buol adoi-ai la juoi nau-mớrai ngã adoi-ai gởũ sớng abih tởgrở mớnih lời pơ-angăn rùp-phũn droi la adoi-ai, bloh la ngã glài dri-sỏnh bũng-pỏkăl, halài hàm-làm, halài duh-dỡlbăt rỏp-ràk, halài tằm-mớsau alẻ gởũ, halài mớbũ-mớbềng, halài klẻ-blở; buol adoi-ai kũng păl pleh atàh juoi 'bõng huă găm sớng mớnih yơu nũn. ¹² Dolhă ẻhởrờna du mớnih agàh tô ngã hỏgẻ? 'Buh iởũ buol adoi-ai păl ẻhởrờna du mớnih lăm dờlăm Tờpuol Goh-Sớch ơ? ¹³ Yàng Pô Lớngi rờũ ẻhởrờna mớnih agàh. Păl suă-prah bẻ du mớnih mớsak-jờhà klàh mững buol adoi-ai.

6

Bruă Yă-Bả Gởũ Tơ Anaũ Mớnih Agàh

¹ Tũ lăm buol adoi-ai hũ mớnih ni tằmdră-wở sớng mớnih pỏkởn, kỏđa hỏgẻ buol adoi-ai khĩn ba tobiă tơ

anaũ mớnh 'buh rĩng-tốpă čahroňa, bloh 'buh ba truh tở anaũ du mớnh sớch-sri? ² Buol adoi-ai 'buh thỏu du mớnh sớch-sri rỏũ čahroňa dun-ya ỏu? Yah dun-ya rỏũ kỏng buol adoi-ai čahroňa, nủn kỏđa hỏgẻ buol adoi-ai 'buh rỏgỏi čahroňa du bruă tít jỉởng ỏu? ³ Buol adoi-ai 'buh thỏu buol gudroi rỏũ čahroňa du mớnh gỏdrủh ỏu? Đờm hỏgẻ la du bruă rài ni! ⁴ Nủn bloh, tủ buol adoi-ai hủ pỏnuai tẳmdrả sỏng gỏũ mủng du bruă lẳm rài ni, kỏđa hỏgẻ buol adoi-ai mả du mớnh bloh Tỏrpuol Goh-Sớch ỏỏ 'buh pỏng-màng hỏgẻ ngả mớnh čahroňa? ⁵ Dỏihả đờm yỏu nủn tỏ buol adoi-ai mỏlỏu alah. Hủ iỏũ lẳm buol adoi-ai 'buh hủ sa aràng mớnh lỏi tỏỉ jak-khỏh tỏ rỏgỏi čahroňa tỏkrah buol adoi-ai droi ỏu? ⁶ Bloh kỏđa hỏgẻ buol adoi-ai yả-bả gỏũ, sỏng ba truh tở anaũ du mớnh 'buh pẳng-tui Yàng čahroňa! ⁷ Biả yỏu nủn, mỉn bruă yả-bả gỏũ nủn la sa pỏnuai buol adoi-ai kỏng alah bỏjỏ. Buol adoi-ai kỏng-anỏng pỏnuai 'buh rĩng-tốpă nủn 'buh iỏũ la siàm rỏlau ỏu? Buol adoi-ai kỏng-anỏng pỏnuai klỏm pỏng-gỏla nủn 'buh iỏũ la siàm rỏlau ỏu? ⁸ Bloh rùp-phủn buol adoi-ai hỏdiủ 'buh rĩng-tốpă, klỏm pỏng-gỏla, sỏng hủ ngả yỏu nủn tở adoi-ai droi vỏ!

⁹ Buol adoi-ai 'buh thỏu lài du mớnh 'buh rĩng-tốpă rỏũ 'buh đờ-lẻng hủ lỏgả Yàng Pỏ Lỏngi ỏu? Juỏi pỏng-gỏla rùp-phủn! Du mớnh ngả glài dri-sỏnoh bủng-pỏkỏl, du mớnh duh-dỏlbắt rỏp-rỏk, du mớnh klẻ sỏdiủ-aràng pỏsàng-gỏũ, du mớnh lỏkỏi ngả dri, du mớnh lỏkỏi đỉh-dỏ duả sỏng mớnh lỏkỏi, du mớnh kỏmỏi đỉh-dỏ duả sỏng mớnh kỏmỏi, ¹⁰ du mớnh klẻ-blẻ, du mớnh hằmlẳm, du mớnh mỏbủ-mỏbẻng, du mớnh tẳm-mỏsau alẻ gỏũ, sỏng du mớnh 'bỏng klỏm 'bỏng kwỉ, rỏũ 'buh đờ-lẻng hủ lỏgả Yàng Pỏ Lỏngi ỏu. ¹¹ Dỏihỏu thỏi, hủ du mớnh lẳm buol adoi-ai la yỏu nủn. Bloh lẳm angỏn Yàng la Yàng Jẻsu Krist, sỏng lẳm Bỏngả Sớch-Sri Yàng Pỏ

Lơngì buol gudroi, buol adoi-ai hũ rào goh, hũ pơsơch-sri, sống hũ angãn la rĩng-tơpă.

Păl Pleh Atàh Pơnuai Sỡ-Sơnh

¹² Dơlħă hũ gơnuăr ngă tợgrỡ mốtă, bloh 'buh iơũ abih tợgrỡ mốtă la kwơ-màng. Dơlħă hũ gơnuăr ngă tợgrỡ mốtă, bloh dơlħă rỡ 'buh luoi pơnuai hợgẽ ngă pơ apăn-akõ dơlħă jĩng. ¹³ Phỡn-koya 'bỡng koya tũng, tũng koya phỡn-koya 'bỡng, bloh Yàng Pô Lơngì rỡ pơluĩ-pơlơhiă abih dua. Rùp-phạp 'buh iơũ tồ angui tợ pơnuai dri-sơnh bũng-pokăl, bloh tồ angui tợ Yàng, koya Yàng ngă Pô apăn-akõ rùp-phạp. ¹⁴ Yàng Pô Lơngì hũ ngă tợ Yàng Jêsu hợdiũ vỡ, nũn Pô kũng rỡ ngă tợ buol gudroi hợdiũ vỡ yơu nũn rỡ koya gỡnăp-gơnuăr Pô. ¹⁵ Buol adoi-ai 'buh thơu lài rùp-phạp buol adoi-ai la pơ-ơnah lăm rùp-phạp Pô Krist ơu? Yơu nũn, dơlħă hũ rợgỡ mả pơ-ơnah rùp-phạp Pô Krist ngă jĩng pơ-ơnah rùp-phạp kơmỡ dri rỡ? 'Buh tũ lơi ơu! ¹⁶ Buol adoi-ai 'buh thơu lài, mớnh lơi đĩh-dồ sống kơmỡ dri nũn rỡ tobiă jĩng sa rùp-phạp sống ỡu ơu? Koya hũ pơnuai wă:

“Dua aràng rỡ tobiă jĩng sa rùp-phạp.” *

¹⁷ Bloh aràng sỡ pợcũăl-pợgăp Yàng, nũn tobiă jĩng sa họtai-bỡngă sống Pô.

¹⁸ Pleh atàh bẻ mững glài dri-sơnh bũng-pokăl. Tợgrỡ glài-sơnh aràng ngă nũn la dò tợ agàh rùp-phạp, bloh mớnh ngă glài dri-sơnh bũng-pokăl, nũn la ngă glài-sơnh sống rùp-phũn rùp-phạp droi.

¹⁹ Buol adoi-ai 'buh thơu lài rùp-phạp buol adoi-ai la sàng duh-dơlbăt Yàng Bỡngă Sỡch-Sri, Pô dò lăm buol adoi-ai, la Pô bloh Yàng Pô Lơngì hũ bỡi tợ buol adoi-ai ơu? Yơu nũn, buol adoi-ai 'buh dò gãm sống rùp-phũn droi tra. ²⁰ Koya buol adoi-ai hũ Yàng Pô Lơngì bỡi sống

* 6:16 Bơ-àr Čomrùp 2:24.

prồng priã biã. You nũn, buol adoi-ai angui bẽ rùp-phàp droi bloh ngã màng-kơcrà angã Yàng Pô Lơngì.

7

Mững Bruã Khiãng Kơmơi-Lơkơi

¹ Tũ ni, dơlhã ðờm truh du pơnuai bloh buol adoi-ai hũ wã tonia, you bruã “mơnih lơkơi 'buh khiãng kơmơi la siàm rơlau.” ² Bloh tô pleh klàh mững tơgrở pơnuai dri-sơnoh bũng-pơkãl, nũn yàu aràng mơnih lơkơi pãl hũ sơdiũ, yàu aràng mơnih kơmơi pãl hũ pơsàng. ³ Pơsàng pãl ngã wĩl-tởl pơnuai sơdiũ-pơsàng sỡng sơdiũ, sơdiũ kũng pãl ngã wĩl-tởl pơnuai sơdiũ-pơsàng sỡng pơsàng. ⁴ Sơdiũ 'buh hũ gơnuar tơ ngỗ rùp-phàp droi, bloh la pơsàng; pơsàng kũng 'buh hũ gơnuar tơ ngỗ rùp-phàp droi, bloh la sơdiũ. ⁵ Sơdiũ pơsàng juoi kơmlah ðĩh-dò sỡng gơũ, mĩn yah tũ dua aràng hũ sa hotai wèr sớđãng tô pioh kơi tũ-jơ iơu-lài; bloh hơdơi mững nũn gài mơrai wớ bẽ sỡng gơũ, tô juoi luoi Satãn pơluơ-ơniãi lãm tũ buol adoi-ai 'buh apãn-pơkơũ rùp-phàp jĩng. ⁶ Pơnuai dơlhã ðờm ni la pơnuai hũ gơnuar ngã, bloh 'buh iơũ la sa pơnuai gơnuar-pơđar. ⁷ Dơlhã khiãng abih tơgrở mơnih hũ mơhiở you dơlhã. Bloh yàu aràng hũ Yàng Pô Lơngì broi pơnuai anĩt-broi-soh kơi gơũ, mơnih hũ pơnuai anĩt-broi-soh ni, mơnih hũ pơnuai anĩt-broi-soh ðĩh. ⁸ Mững tơgrở mơnih dò soh ka khiãng kơmơi-lơkơi, sỡng tơgrở mơnih kơmơi bớdrau, dơlhã yòng ðờm you ni: yah buol guũ dò jĩng you dơlhã, nũn siàm rơlau. ⁹ Bloh yah buol adoi-ai 'buh rợgơi gàr-pơkơũ rùp-phũn droi jĩng, nũn pãl khiãng bẽ; kợyoa yah khiãng kơmơi khiãng lơkơi nũn siàm rơlau la luoi pơnuai hàm-khiãng kơmơi-lơkơi pơsũt-pơsờh pơluơ-ơniãi.

¹⁰ Mững du mơnih hũ khiãng kơmơi khiãng lơkơi bớjơ, nũn dơlhã, 'buh iơũ dơlhã, bloh la Yàng, hũ pơnuai

gõnuär-põđär ni: sõiđũ 'buh hũ luoi pòsàng. ¹¹ Bloh yah sõiđũ hũ luoi pòsàng bojơ, nũn pãl dò you nũn, halai pãl ngã pơhơl-ả-tảmsờn wở sỡng pòsàng. Pòsàng kũng 'buh hũ pòkloh sõiđũ.

¹² Sỡng du mớnh pòkỡn nũn dỏihả đờm dỏihả đờm, 'buh iỏũ la Yàng đờm: Yah adỡi-ai loi hũ sõiđũ 'buh pãng-tui Yàng, bloh mớnh sõiđũ nũn sa hotai khiãng hỏiđũ dò rài sỡng droi, nũn juoi pòkloh sõiđũ. ¹³ Yah mớnh kớmỡi loi hũ pòsàng 'buh pãng-tui Yàng, bloh mớnh pòsàng nũn sa hotai khiãng hỏiđũ dò rài sỡng droi, nũn juoi pòkloh pòsàng. ¹⁴ Koyoa mớnh pòsàng 'buh pãng-tui Yàng rỏũ gỏnừm tở sõiđũ la mớnh pãng-tui Yàng bloh hũ pỏsỏch-sri, sỡng mớnh sõiđũ 'buh pãng-tui Yàng rỏũ gỏnừm tở pòsàng bloh hũ pỏsỏch-sri. Yah 'buh ỏu nũn, du anà buỏl adỡi-ai hũ kỡng sỏũ-sỏnh abih, bloh tũ ni buỏl guũn hũ tỏbiả jỡng sỏch-sri bojơ. ¹⁵ Bloh yah mớnh 'buh pãng-tui Yàng khiãng pỏklah-kroi, nũn broi pỏklah-kroi bẻ. Lảm bruả ni, buỏl adỡi-ai 'buh kỡng akả-pỏkỏũ hỏgẻ. Yàng Pô Lỡngi hũ iỏu-rỏwah buỏl gudroi hỏiđũ rỡng-lỡngai sỡng gỏũ. ¹⁶ Koyoa, ỏ mớnh la sõiđũ, thỏu jở buỏl adỡi-ai rỏũ đỡng jỡng pòsàng droi? Ớ mớnh la pỏsàng, thỏu jở buỏl adỡi-ai rỏũ đỡng jỡng sõiđũ droi?

Hỏiđũ You Yàng Hũ Iỏu-Rỏwah

¹⁷ Yàu aràng pãl hỏiđũ tui pỏnuả broi-soh Yàng hũ broi tở droi, sỡng tui pỏnuả Yàng Pô Lỡngi hũ iỏu-rỏwah. Ni la pỏnuả dỏihả hũ pỏto-mỏblàng lảm abih tởgrở Tỏrpuỏl Gỏh-Sỏch. ¹⁸ Aràng sỏi hũ ngã adảt sỏkaũ-kỏli tũ hũ iỏu-rỏwah, nũn juoi klả luoi nảl-gỏnh pỏnuả adảt sỏkaũ-kỏli! Aràng sỏi ka ngã adảt sỏkaũ-kỏli tũ hũ iỏu-rỏwah, nũn juoi ngã adảt sỏkaũ-kỏli tra! ¹⁹ Sỏkaũ-kỏli halai 'buh sỏkaũ-kỏli kũng 'buh hũ hỏgẻ prỡng-màng. Pỏnuả

prông-màng nŭn la păng-bôbah ngã tui du pơnuai adăt-pơđăr Yàng Pô Lơngì. ²⁰ Aràng sơi hũ iơu-rơwah tũ dò ngã bruă lơi, nŭn kừ dò bẻ lăm bruă nŭn. ²¹ Buol adơ-ai la mơnih hơlũn-hơlă tũ hũ Yàng Pô Lơngì iơu-rơwah? Juoi sỡnŭng kỡ-ù mŭng bruă nŭn; bloh yah buol adơ-ai hũ rợoi tobiă jĩong mơnih akố-lợhuai tokai-lơnàng, nŭn pắl apăn-mă bẻ pơnuai hơnàn-siàm nŭn la siàm rợlau. ²² Koyoa mơnih lơi hũ Yàng iơu-rơwah tũ dò ngã hơlũn-hơlă, nŭn tobiă jĩong mơnih hũ akố-lợhuai tokai-lơnàng lăm Yàng. Kŭng yơu nŭn rợi, mơnih akố-lợhuai tokai-lơnàng tũ hũ iơu-rơwah, nŭn tobiă jĩong hơlũn-hơlă Pô Krist. ²³ Yàng Pô Lơngì hũ cũu glòng priă biă tô tợbuh buol adơ-ai; juoi tobiă jĩong hơlũn-hơlă tợ jợi anà mơnih. ²⁴ Ở buol adơ-ai, tũ buol adơ-ai hũ iơu-rơwah, buol adơ-ai dò ngã bruă lơi, kừ dò bẻ lăm bruă nŭn tợ anaũ Yàng Pô Lơngì.

Mơnih 'Buh Khiăng Kợmợi-Lợkợi Sợng Mơnih Dò Bợdrau

²⁵ Mŭng du mơnih dò soh, ka khiăng kợmợi khiăng lợkợi, dợlhă 'buh hũ pơnuai gợnuar-pơđăr lơi mŭng Yàng, bloh gợnŭm tợ pơnuai anít-anăr mŭng Yàng, dợlhă hũ ngã mơnih iơũ pắl tô păng-tui, nŭn dợlhă hũ pơnuai đờm poto-kợkợi buol adơ-ai. ²⁶ Koyoa mŭng du pơnuai gleh-glăr lăm tũ-hợoi ni, dợlhă sỡnŭng, yah sa aràng mơnih kừ dò yơu nŭn la siàm. ²⁷ Hũ iơũ adơ-ai gợũ la mơnih dò kợđòng akă-pợcủăl sợng sợdiũ ơu? Juoi duah pơnuai tobiă klà. Hũ iơũ adơ-ai gợũ la mơnih ka kợđòng akă-pợcủăl sợng sợdiũ ơu? Juoi duah sợdiũ. ²⁸ Bloh yah adơ-ai gợũ khiăng kợmợi, nŭn 'buh ngã glài-sơnoh hợgẽ. Sợng yah mơnih kợmợi dra sợcìh-sợcăn khiăng lợkợi, nŭn kŭng 'buh hũ glài-sơnoh hợgẽ. Bloh du mơnih khiăng-kợmợi khiăng-lợkợi rợũ pắp lô pơnuai gleh-glăr lăm rài hợdiũ ni, sợng dợlhă khiăng buol adơ-ai pleh klàh mŭng pơnuai nŭn.

²⁹ Ó buoꝛ adoi-ai, dołhă khiăng đòm lài: Tũ-hơoi 'buh dò hơdùm suoi tra. Nũn mũng tũ ni, du mơnih hũ sodiũ, hơdiũ bẻ yơu 'buh hũ; ³⁰ du mơnih hia-čõ, hơdiũ bẻ yơu 'buh hia-čõ; du mơnih sòh-sài, hơdiũ bẻ yơu 'buh sòh-sài; du mơnih błoi, hơdiũ bẻ yơu 'buh hũ phõn hơgẽ. ³¹ Mơnih angui phõn bõna rài dun-ya, nũn hơdiũ bẻ yơu 'buh angui, koyoa dun-ya buoꝛ gudroi 'buh ni rõi lõhiă.

³² Dołhă khiăng buoꝛ adoi-ai 'buh pãl sònũng kơ-ù mũng pơnuai hơgẽ. Mơnih 'buh khiăng kơmơi, nũn abih hotai-hotiàn ngă bruă Yàng, duah pơnuai tô ngă siàm hotai Yàng. ³³ Mơnih hũ sodiũ nũn sònũng-rõčăng mũng bruă rài ni, duah pơnuai tô ngă siàm hotai sodiũ droi, ³⁴ sỡng hotai-akõ buoꝛ guũu kỡng pỏklah-pỏrpha. Mơnih kơmơi 'buh khiăng lỏkơi, halai mơnih kơmơi dra sỏcih-sỏcăn nũn abih hotai-hotiàn duh bruă Yàng, duah ngă hơyơu tô gãm gah rùp-phạp drah-rỏlo sỡng gah hotai-bongă hũ sỏcih-sri. Bloh mơnih kơmơi hũ pơsàng nũn sònũng-rõčăng mũng bruă rài ni, duah pơnuai ngă tô siàm hotai pơsàng droi.

³⁵ Dołhă đòm yơu nũn koyoa kơ-màng tơ buoꝛ adoi-ai, 'buh iơũ tô čỏkhă-pỏkơũ buoꝛ adoi-ai, bloh dołhă mũn khiăng ba-poto buoꝛ adoi-ai ngă pơnuai siàm iơũ, tô buoꝛ adoi-ai 'buh kớđồng pỏklah-pỏrpha hotai-akõ lăm pơnuai duh bruă Yàng.

³⁶ Yah mơnih lơi sònũng lài droi hũ ngă 'buh iơũ sỡng mơnih kơmơi droi hũ pỏguãn-khiăng, yah lăm hotai-hotiàn hũ pơnuai pỏsũt-pỏđăr pràn sỡng sònũng lài droi pãl hũ sàng-dònò, nũn ngă bẻ tui pơnuai hotai droi khiăng. Pơnuai ni 'buh hũ glài-sonoh hơgẽ. ³⁷ Bloh yah mơnih lơi lăm hotai-hotiàn hũ ngă nìn-kỏjăp, 'buh kớđồng pơnuai hơgẽ pỏkơũ-akă, thơu pỏkơũ-pỏkăł jỡng pơnuai hàm-khiăng droi, sỡng hũ ngă nìn-kỏjăp lăm hotai-hotiàn kừ pioh mơnih kơmơi nũn yơu mơnih sodiũ

pơguăn-khiăng sớđầu dò sớch-sớchăn, nửn mớnh nửn ngã sa bruă siàm. ³⁸ Yơu nửn, mớnh khiăng sớng mớnh sớđiũ bloh đơi hũ pơguăn-khiăng, nửn la ngã sa bruă iơũ; bloh mớnh 'buh khiăng kớmớ, nửn la ngã sa bruă iơũ rớlau.

³⁹ Pơsàng dò hớđiũ kàr lớ, nửn sớđiũ pắl akă-pớčuắl sớng pơsàng kàr nửn. Yah pơsàng mớtai, nửn sớđiũ hũ akố-lớhuai tókai-lớnàng khiăng sớng aràng sới jớng abih tui hớtai đơi tókư, mớnh la khiăng sớng mớnh lắm Yàng. ⁴⁰ Bloh, tui hớtai đớhắ, mớnh nửn rớũ hũ lớngai-pớtuah rớlau yah kừ dò yơu nửn. Đớhắ sớnửng lắi, đớhắ kúng hũ Bớngắ Sớch-Sri Yàng Pô Lớngì.

8

Pơnuai 'Bớng Du Phớn-Koya Duh-Đớlbắ Rớp-Rắk

¹ Đờm bọyai truh bruă pớyắ phớn cắ-đớlbắ rớp-rắk, buớ gudrới thớu lắi abih buớ gudrới la hũ pơnuai wớng thớu. Bloh pơnuai wớng thớu pớtobiắ pơnuai yeh-đơi pớglớng-rúp, dò hớtai-hớtiàn uớn-rớnắm nửn bớ-pớđớng sớng ngã kớrh siàm. ² Yah aràng sới sớnửng lắi đơi wớng thớu pơnuai hớgắ, nửn biắ mớnh nửn ka thớu yơu pắl thớu. ³ Bloh yah aràng sới duh-rớnắm Yàng Pô Lớngì, nửn Pô thớu mớnh nửn. ⁴ Yơu nửn, mớng bruă 'bớng phớn pớyắ cắ-đớlbắ du rớp-rắk, nửn buớ gudrới thớu lắi, du rớp-rắk lắm dun-ya biắ la 'buh kwớ-màng hớgắ, mớnh hũ sa Yàng Pô Lớngì bloh 'buh hũ yàng lớ pớkớ. ⁵ Yah lắi aràng angắn la hũ lô yàng dò tớ ngố lớngì halắi tớ dò ala lớn — buớ guớnu pắng-tui lắi hũ lô “yàng”, lô “pồ-gớnuắr”— ⁶ bloh sớng buớ gudrới nửn mớnh hũ sa Yàng Pô Lớngì la Ama. Abih tớgớ jới-phớn mớng Pô đớng-tớbiắ, sớng buớ gudrới hớđiũ tớ Pô. Kúng mớnh hũ sa Yàng, la Yàng Jớsu Krist. Abih tớgớ jới-phớn kớyoa Pô đớng-tớbiắ, sớng buớ gudrới hớđiũ la gớnừm tớ Pô.

⁷ Bloh 'buh iõu abih tɔgrɔ mɔnih hũ pɔnuai wɔng thɔu ni. Hũ du mɔnih kɔyɔa lɔđáp-mừng biã sɔng du rɔp-ràk, nửn tũ 'bɔng du phɔn pɔyã cẽ-dɔlbat nửn, buɔl guũu ɔr ɔu biã-biài hũ pɔyã tɔ rɔp-ràk, sɔng hotai-hotiàn 'buh khãng-pràn buɔl guũu tobiã jiɔng sɔũ-sɔnoh. ⁸ Phɔn-kɔyɔa 'bɔng 'buh ngã tɔ buɔl gudroi jẽ sɔng Yàng Pô Lɔngi rɔlau. Yah buɔl gudroi 'buh 'bɔng kũng 'buh hũ lɔhiã hogẽ. Yah buɔl gudroi 'bɔng kũng 'buh hũ kwɔ-màng hogẽ. ⁹ Bloh pãl ɔr-kɔrhia bẽ, huɔi pɔnuai akɔ-lɔhuai tɔkai-lɔnàng buɔl adɔi-ai ngã pɔnuai tɔ mɔnih 'buh khãng-pràn sɔnẽ lɔbuh. ¹⁰ Yah sa aràng mɔnih hũ hotai-hotiàn 'buh pràn-khãng, 'buh buɔl adɔi-ai la mɔnih wɔng thɔu, dò guh 'bɔng lãm anih bɔmừng cẽ-dɔlbat rɔp-ràk, nửn 'buh iõu mɔnih nửn ɔu hũ ba-pɔsòh bloh 'bɔng phɔn pɔyã cẽ-dɔlbat tɔ rɔp-ràk ɔu? ¹¹ ɔu nửn, pɔnuai wã-wɔng buɔl adɔi-ai hũ ngã pɔluĩ-pɔlɔhiã mɔnih 'buh khãng-pràn, la mɔnih adɔi-ai bloh Pô Krist hũ kɔng mɔtai ala! ¹² ɔu nửn, tũ ngã glài-sũng sɔng buɔl adɔi-ai droi, ngã tɔ hotai-hotiàn 'buh khãng-pràn buɔl guũu pɔđi-pɔđɔa, nửn la buɔl adɔi-ai kũng ngã glài-sɔnoh sɔng Pô Krist. ¹³ Kɔyɔa nửn, yah phɔn-kɔyɔa 'bɔng ngã pɔnuai tɔ buɔl adɔi-ai dɔlhã sɔnẽ lɔbuh lãm glài-sũng, nửn dɔlhã rɔũ 'buh tũ lɔi 'bɔng rɔlɔ tra, tɔ klàh ngã pɔnuai sɔnẽ lɔbuh lãm glài-sũng tɔ buɔl adɔi-ai dɔlhã.

9

Gɔnuãr Du Mɔnih Tɔdi-Tɔdài

¹ Dɔlhã 'buh hũ akɔ-lɔhuai tɔkai-lɔnàng ɔu? Dɔlhã 'buh iõu la mɔnih tɔdi-tɔdài ɔu? 'Buh iõu dɔlhã hũ 'buh Yàng Jêsu, la Yàng buɔl gudroi ɔu? 'Buh iõu buɔl adɔi-ai la bɔngã-mɔboh dɔlhã lãm Yàng ɔu? ² Yah dɔlhã 'buh iõu la mɔnih tɔdi-tɔdài sɔng mɔnih pɔkɔn, bloh tɔki biã dɔlhã kũng la mɔnih tɔdi-tɔdài sɔng buɔl adɔi-ai; kɔyɔa

rùp-phũn buol adoi-ai la nàl 'băng-kì mǔng gơnuǎr-bruǎ tởdi-tởdài dơlǎ lăm Yàng. ³ Ni la pơnuǎi dơlǎ đờm đờng rùp-phũn dơi tǎmdrǎ-wở sỡng du mớnih tởnia-pỏkǎl dơlǎ. ⁴ Buol dơlǎ 'buh hũ gơnuǎr tồ 'bỡng, mớniũm ơu? ⁵ Buol dơlǎ 'buh hũ gơnuǎr ba sa aràng mớnih sỏdiũ pǎng-tui Yàng nau tui tồ duh bruǎ Yàng yơu du mớnih tởdi-tởdài pỏkỏn, halài yơu du adoi-ai Yàng sỡng yơu Sepha ơu? ⁶ Halài mĩn dơlǎ sỡng 'Banaba la pǎl ngǎ bruǎ tồ duah phỏn 'bỡng rờng rùp? ⁷ Hũ aràng sỡ nau lĩng bloh mǎ priǎ sàng dơi ciũ priǎ-blàn tở rùp-phũn dơi ơu? Hũ aràng sỡ pla ño bloh 'buh 'bỡng boh ơu? Halài hũ aràng sỡ glǎng-ở tởrpuol joi-phỏn pà gah tởkai bloh 'buh angui ia-tởsơu ñu tồ rờng dơi ơu? ⁸ Dơlǎ đờm yơu nửn 'buh iỏũ la tui pơnuǎi anà mớnih lăm rài lỏđáp đờm ơu? Pơnuǎi adǎt-adia kũng 'buh đờm yơu nửn ơu? ⁹ Koyoa pơnuǎi adǎt-adia Mỏise hũ vǎ: “Hǎ juoi gla-akǎ kàng lỏmo tũ ñu dò pơ-juǎ bởdai.” *

Hũ iỏũ Yàng Pồ Lỏngì sỏnửng-rỏởng tở lỏmo ơu? ¹⁰ Halài koyoa buol gudơi bloh Pồ đờm pơnuǎi nửn? Tỏpǎ iỏũ biǎ, nửn la koyoa mửng buol gudơi bloh hũ pơnuǎi nửn. Koyoa mớnih lờ-ua hỏma, pǎl lờ-ua lăm pơnuǎi gỏnửm-ởng; mớnih pơ-juǎ bởdai, pǎl pơ-juǎ bởdai lăm pơnuǎi gỏnửm-ởng dơi rỏũ hũ pỏrpha pỏ-ơnah bởdai.

¹¹ Yah buol dơlǎ hũ drà du pơnuǎi gah bỡngǎ tở buol adoi-ai, nửn bruǎ khiǎng yuǎ wở du phỏn gah rài ni mửng buol adoi-ai, nửn hũ iỏũ la bruǎ rỏlau đỏi ơu? ¹² Yah du mớnih pỏkỏn dò hũ gơnuǎr nửn tở ngỏ buol adoi-ai, đờm hỏgẻ la buol dơlǎ? Bloh buol dơlǎ 'buh angui gơnuǎr nửn; buol dơlǎ kỏng ǎ-ửn abih tởgrở mỏta, tồ 'buh ngǎ pỏkǎl-kỏđờng tở Pơnuǎi-Siàm Pồ Krist. ¹³ Buol adoi-ai 'buh thơu lài, aràng sỡ duh bruǎ sàng duh-dỏlbat nửn hũ

* 9:9 9:9 Đờm Akhàn Wở Pơnuǎi Adǎt-Adia 25:4.

đồ-lễng phớn cẽ-dơbất lăm sàng duh-dơbất, sớng aràng sớ duh bruă tở anih sớbàn duh-dơbất, nửn hũ pở-ơnah mững phớn poyă anih sớbàn duh-dơbất ơu? ¹⁴ Kũng yơu nửn rới, rùp-phũn Yàng hũ poto:

“Aràng sớ poto-akhàn Pơnuai-Siàm, nửn pǎl hũ rờng hớdiũ koyoa Pơnuai-Siàm.”

Du Pơnuai Pôl Klà Luoi

¹⁵ Bloh dớlhă nửn 'buh angui gơnuăr lới lăm du gơnuăr nửn. Dớlhă kũng 'buh wă du pơnuai ni tô yòng gơnuăr nửn ơu. Koyoa sớng dớlhă, yah kớng mọtai siàm rớlau la luoi aràng sớ suă-mă pơnuai pơglờng-rùp nửn lăm dớlhă. ¹⁶ Yah dớlhă poto-akhàn Pơnuai-Siàm, dớlhă 'buh hũ pơnuai hợgẽ tô yeh-drời pơglờng-rùp, koyoa dớlhă kớng pơkớu pǎl poto-akhàn. Bloh, yah dớlhă 'buh poto-akhàn Pơnuai-Siàm, nửn gleh-glăr dờn-să biă tở dớlhă! ¹⁷ Yah dớlhă sờh hotai-hotiàn ngă bruă ni, nửn dớlhă hũ phớn moyòm-broi. Sớng yah dớlhă 'buh sờh hotai-hotiàn bloh ngă, nửn gơnuăr-bruă nửn kũng sớđau jào tở dớlhă. ¹⁸ Yơu nửn phớn moyòm-broi dớlhă la hợgẽ? Nửn la tũ poto-akhàn Pơnuai-Siàm, dớlhă poto-akhàn sớh 'buh tởnia-đồ phớn hợgẽ, 'buh angui gơnuăr dớlhă hũ yơu mớnih poto-akhàn Pơnuai-Siàm.

¹⁹ Yah lài, sớng tởgrở mớnih, dớlhă la mớnih akồ-lớhuai tởkai-lờnàng, bloh rùp-phũn dớlhă sờh-hotai tởbiă jiờng hỏlũn-hỏlă tở abih tởgrở mớnih, tô hũ rợgới đờng ba lô mớnih rớlau truh sớng Yàng. ²⁰ Sớng du mớnih Judă, dớlhă tởbiă jiờng yơu sa aràng mớnih Judă, tô hũ rợgới đờng du mớnih Judă. Sớng du mớnih hớdiũ tở ala gơnuăr pơnuai adăt-adia — yah lài rùp-phũn dớlhă 'buh dò tở ala gơnuăr pơnuai adăt-adia — dớlhă tởbiă jiờng yơu sa aràng mớnih hớdiũ tở ala gơnuăr pơnuai adăt-adia, tô

hũ rợơi đống du mớnh hơđiũ tợ ala ợơnuă ợơnuă adăt-
 adia. ²¹ Sợng du mớnh buố làng agàh, la du mớnh 'buh
 hơđiũ tui ợơnuă adăt-adia mớnh Juda, đớhă tobiă jỉợng
 ợơ sa aràng mớnh 'buh hũ ợơnuă adăt-adia, tô hũ rợơi
 đống du mớnh 'buh hũ ợơnuă adăt-adia, yah sợng Yàng
 Pô Lợngì, đớhă 'buh iố la mớnh 'buh hũ ợơnuă adăt-
 adia, kợoya đớhă hơđiũ tợ ala ợơnuă adăt-adia Pô Krist.
²² Sợng du mớnh 'buh khăng-pràn, đớhă tobiă jỉợng ợơ
 sa aràng mớnh 'buh khăng-pràn, tô hũ rợơi đống du
 mớnh 'buh khăng-pràn. Đớhă hũ tobiă jỉợng ợơ abih
 tợgrợ mớnh, angui abih tợgrợ mota tô hũ rợơi đống-
 pốklàh jỉợng sa-sít mớnh. ²³ Abih tợgrợ mota đớhă ngă,
 nửn la ngă kợoya Ợơnuă-Siàm, tô đớhă kűng hũ ợ-ơnah
 lăm nửn.

²⁴ Buố đợi-ai 'buh thợu lài abih tợgrợ mớnh đũa
 tằmkợchăh lăm anih đũa tằmkợchăh, abih tợgrợ mớnh pắ
 đũa, bloh mửn sa aràng soh lợng-mă hũ phợn moyòm-
 broi ợơ? Ợơ nửn, buố đợi-ai pắ đũa hợyợu tô
 mă hũ phợn moyòm-broi. ²⁵ Abih tợgrợ mớnh đũa
 tằmkợchăh, nửn pắ mửng rùp-phủn đợi wèr-pốkốũ tợl
 tợgrợ ợơnuă. Buố ợũn kợng ợơ nửn tô lợng-mă hũ
 sợgợn-màng sớmăr brũ-lợhiă. Bloh buố gudợi kợng
 ợơ nửn tô đờ-mă hũ sợgợn-màng 'buh tũ lợi brũ-lợhiă.
²⁶ Kűng ợơ nửn rợi, đớhă đũa, 'buh iố la đũa wĩ-wợ;
 đớhă tằmngă, 'buh iố la tằmngă sợng rợbù. ²⁷ Bloh
 đớhă mă-pốkốũ rùp-phập đớhă pắ kợng ợơnuă khăng-
 mớsak, mă-pốkốũ ñu pắ ngă hợlủn-hợlă tợ đớhă, huợ
 lài hợđợi tũ đớhă pợto-akhàn tợ mớnh pốkợn, bloh rùp-
 phủn đợi pắ kợng klà lợi ợơ.

10

Mă Ợơnuă Ngă Glài Buố Làng Israel Ngă Kợch

¹ Ở buol adoi-ai, dolhă khiăng buol adoi-ai thour lài abih koi-kô pàng-yau buol gudroi hũ nau tơ ala puk hwăl sǝng nau găn Ia-Tơsì Mơ-yah. ² Abih buol guñu hũ đờ-mă pơnuai 'baptem lăm puk hwăl sǝng lăm đơlăm ia-tơsì, tô tui Môise. ³ Abih buol guñu 'bǝng găm sa phǝn 'bǝng mǝng ngǝ lǝngì, ⁴ sǝng mǝñm găm sa phǝn mǝñm mǝng ngǝ lǝngì. Koyoa buol guñu mǝñm anih sa boh potơu mǝng ngǝ lǝngì nau sǝng buol guñu, sǝng boh potơu nǝn la rùp-phũn Pô Krist. ⁵ Bloh lô mǝnih lăm buol guñu 'buh siàm hotai Yàng Pô Lǝngì, koyoa nǝn pǎl kǝng mǝtai prah rùp lăm 'blàng-johua. ⁶ Abih tǝgrǝ bruă ni hũ tobiă truh tô ngă kroh tơ buol gudroi, tô buol gudroi 'buh ngă tui du pơnuai hàm-khiăng sǝu-johà yơ du koi-kô pàng-yau hũ hàm-khiăng. ⁷ Kǝng juoi duh-dolbăt rǝp-ràk yơ du mǝnih lăm buol guñu, yơ pơnuai hũ wă:

“Buol làng dò guh bloh mǝñm 'bǝng, bloh nǝn tǝgò đǝng kǝsėt-moya mơ-in sǝh.” *

⁸ Buol gudroi kǝng juoi ngă pơnuai glài dri-sonoh bǝng-pokăl yơ du mǝnih lăm buol guñu, tô lăm sa hơoi bloh dua pluh klơu robơu aràng mǝnih pǎl kǝng lǝbuh mǝtai. ⁹ Kǝng juoi lòng Yàng yơ du mǝnih lăm buol guñu hũ lòng tô kǝng joi ala pơluĩ-pơlǝhiă. ¹⁰ Kǝng juoi yuăm 'buah yơ du mǝnih lăm buol guñu hũ yuăm 'buah, tô pǎl kǝng mǝtai koyoa tǝngàn mǝnih gǝdruh pơluĩ-pơlǝhiă.

¹¹ Abih tǝgrǝ pơnuai ni hũ tobiă truh tơ buol guñu tô ngă kroh tơ buol gudroi, sǝng hũ wă luoi wǝ tô potơ-pơhuoi buol gudroi la du mǝnih dò hǝidiũ lăm rài luĩ-dũt ni. ¹² Yơ nǝn, aràng soi sǝnǝng droi dò đǝng kǝjăp, nǝn ǝ-korhia bǝ huoi lǝbuh. ¹³ Du pơnuai pǝlǝng-ǝñiai truh sǝng buol adoi-ai, 'buh hũ pơnuai lǝi la rǝlau tơ pràn joi anà mǝnih. Yàng Pô Lǝngì la Pô ngă tui iǝu yơ

* 10:7 10:7 Tobiă Mǝng Ejiptơ 32:6.

pơnuai Pô hũ đờm pơguăn. Pô 'buh tũ lơi luoi buol adoi-ai kông pơnuai pơlông-sñiai rơlau tơ pràn đrơi ơu, bloh lăm pơnuai pơlông-sñiai, Pô rơu pơh jolàn tô tobiã klàh, tô buol adoi-ai hũ rơgơi kông jiông.

Sơbàn Duh-Dolbăt Yàng Tămdră-Wở Sớng Sơbàn Duh-Dolbăt Rợp-Ràk

¹⁴ Koyoa nửn, ơ buol adoi-ai dolhă uởn-rơnăm, pleh atàh bễ mứng bruă duh-dolbăt rợp-ràk. ¹⁵ Dolhă đờm sớng buol adoi-ai yơu đờm sớng du mớnih jak-khờh. Rùp-phũn buol adoi-ai ỡơ-sớnửng bễ mứng du pơnuai dolhă đờm. ¹⁶ Čuàn pơnuai lơngai-pơtuah bloh buol gudrơi unjơmừn, 'buh iớu la hũ pơ-ơnah lăm drah Pô Krist ơu? Pah bloh buol gudrơi 'bết 'bớng sớdrờ Yàng, 'buh iớu la hũ pơ-ơnah lăm rùp-phập Pô Krist ơu? ¹⁷ Koyoa mĩn hũ sa boh pah, buol gudrơi yah lô mớnih, kũng mĩn la sa rùp-phập, koyoa abih buol gudrơi hũ pơ-ơnah găm sớng gớu lăm sa boh pah. ¹⁸ Ớơ bễ buol làng Israel tui pơ-ơnah rùp-phập drah-rơlo: Du mớnih 'bớng rơlo phớn ỡơ-poyở duh-dolbăt, 'buh iớu la du mớnih hũ pơ-ơnah sớng sơbàn duh-dolbăt ơu? ¹⁹ Dolhă đờm yơu nửn hũ mớblàng hợgế? Phớn poyă ỡơ-dolbăt tơ rợp-ràk hũ màng-kwơ hợgế, halài rùp-phũn rợp-ràk hũ la hợgế ơu? ²⁰ 'Buh la hợgế ơu, bloh tợgrỡ phớn hợgế buol làng agàh poyă ỡơ-dolbăt la poyă ỡơ-dolbăt tơ du kơmlài, bloh 'buh iớu poyă ỡơ-dolbăt tơ Yàng Pô Lơngì. Koyoa nửn, dolhă 'buh khiăng buol adoi-ai hũ pơ-ơnah sớng du kơmlài. ²¹ Buol adoi-ai 'buh rợgơi mớnhũm ỡuàn Yàng, sớng kũng mớnhũm ỡuàn kơmlài jiông. Buol adoi-ai 'buh rợgơi găm 'bớng mớnhũm sớng Yàng, găm 'bớng mớnhũm sớng kơmlài jiông. ²² Halài buol gudrơi khiăng ngă tơ Yàng păl oàn-anok? Buol gudrơi pràn rơlau tơ Pô wở?

Păl Dớng Du Mớnih 'Buh Khăng-Pràn

I KÔRINTÔ 10:23 26 I KÔRINTÔ 10:33

²³ “Buol gudroi hũ gơnuär ngă tởgrở bruă,” bloh 'buh iơũ abih tởgrở bruă la kwo-màng. “Buol gudroi hũ gơnuär ngă tởgrở bruă,” bloh 'buh iơũ abih tởgrở mọta la ngă kơnh siàm tô bở-tởgồ. ²⁴ Juoi aràng sơi tui duah pơnuai kwo-màng mĩn tở rụp-phũn droi, bloh tui duah bẻ pơnuai kwo-màng tở mơnih pơkởn rơi. ²⁵ Abih tởgrở phởn hợgẻ hũ ràng pơblơi tở anih drà pơblơi rơlơ, buol adơi-ai kừ 'bởng, juoi koyoa hotai-hotiàn bloh tơnia hợgẻ mững bruă nửn. ²⁶ Koyoa “boh tơnah sớng abih tởgrở phởn lăm boh tơnah la dò abih lăm Yàng.” †

²⁷ Yah hũ mơnih 'buh păng-tui Yàng jà buol adơi-ai, sớng buol adơi-ai khiăng nau, nửn kừ 'bởng bẻ abih tởgrở phởn hợgẻ aràng pồ-daũ tở buol adơi-ai, juoi koyoa mững hotai-hotiàn bloh tơnia hợgẻ. ²⁸ Bloh yah hũ aràng sơi đờm sớng buol adơi-ai lài: “Phởn ni hũ poyă tô cẻ-dỏbất tở rởp-ràk bớjơ,” nửn buol adơi-ai juoi 'bởng, koyoa mơnih nửn hũ broi buol adơi-ai thơu bớjơ, sớng kũng koyoa hotai-hotiàn rơi. ²⁹ Dỏlhă 'buh đờm mững hotai-hotiàn buol adơi-ai ơu, bloh la hotai-hotiàn mơnih nửn. Koyoa kớđa hợgẻ pơnuai akỏ-lờhuai tởkai-lờnàng dỏlhă pãl kớng hotai-hotiàn mơnih pơkởn ẻhroňa? ³⁰ Yah dỏlhă ứnjomửn Yàng Pồ Longì bloh 'bởng, nửn kớđa hợgẻ dỏlhă pãl kớng puai 'buah koyoa phởn-koya 'bởng bloh dỏlhă hũ ứnjomửn bớjơ? ³¹ Yơu nửn, yah 'bởng, yah mớnhũm, halài ngă tởgrở bruă hợgẻ, buol adơi-ai ngă bẻ abih tởgrở mọta koyoa pơnuai màng-kỏrẻ Yàng Pồ Longì. ³² Juoi ngă pơnuai pơtủp glài-sơnh tở mơnih Judă, mơnih Grek, halài tở Torpuol Goh-Sỏchìh Yàng Pồ Longì. ³³ Kũng yơu dỏlhă ni, lăm abih tởgrở bruă, dỏlhă abih hotai-hotiàn ngă siàm hotai tởgrở mơnih, dỏlhă 'buh tui duah pơnuai kwo-màng tở rụp-phũn droi, bloh tở lô

† 10:26 10:26 Pơđik Adoh Moyòm 24:1.

mơnh, tô buol guñu hũ dõng-poklãh.

11

¹ Đòm tui bẽ kơh dõhã, kũng yơu rùp-phũn dõhã đòm tui kơh Pô Krist rơi.

Mững Bruã Mơnh Kơmơi Gòm Akõ

² Dõhã hũ pơnuai moyòm buol adơi-ai, koyoa buol adơi-ai hũ sớđờ truh dõhã lãm tợgrở mọtã, sớng tợpã sa hotai-hotiàn pãng-rơmiã nĩ-nùn du pơnuai dõhã hũ đờm poto tợ buol adơi-ai. ³ Bloh dõhã khiãng buol adơi-ai thơu lài Pô Krist la akõ tợgrở mơnh lợkơi, mơnh lợkơi la akõ mơnh kơmơi, sớng Yàng Pô Lơngì la akõ Pô Krist. ⁴ Yah mơnh lợkơi lợi iơu-lài halài đờm hwởr bloh gòm akõ, nữn la ngã mớlou alah tợ akõ dơi. ⁵ Bloh yah mơnh kơmơi lợi iơu-lài halài đờm hwởr bloh 'buh gòm akõ, nữn la ngã mớlou alah akõ dơi: Biã, 'buh kơi yơu mơnh nữn kwàh akõ klờh. ⁶ Yah mơnh kơmơi 'buh gòm akõ, nữn kơtrẽ 'bù bẽ. Bloh yah mơnh kơmơi ỡơ bruã kơtrẽ 'bù halài kwàh akõ la mớlou alah, nữn gòm bẽ akõ ỡơ!

⁷ Mơnh lợkơi la rợp-rùp sớng pơnuai mòng-kợcrà Yàng Pô Lơngì, nữn 'buh hũ gòm akõ; bloh mơnh kơmơi la pơnuai mòng-kợcrà mơnh lợkơi. ⁸ Koyoa 'buh iớu mơnh lợkơi tợbiã mững mơnh kơmơi, bloh la mơnh kơmơi mững mơnh lợkơi. ⁹ Mơnh lợkơi kũng 'buh hũ ỡrợng-tợbiã koyoa mơnh kơmơi, bloh la mơnh kơmơi koyoa mơnh lợkơi. ¹⁰ Koyoa nữn, koyoa du mơnh gớđrũh, mơnh kơmơi pãl hũ nàl tợ ngõ akõ dơi tô poto bơi thơu mững gớnuãr dơi gớnũm-gớnàng. ¹¹ Bloh lãm Yàng, nữn 'buh iớu mơnh kơmơi poklah-kợi sớng mơnh lợkơi, halài mơnh lợkơi poklah-kợi sớng mơnh kơmơi. ¹² Koyoa, yơu mơnh kơmơi hũ tợbiã mững mơnh lợkơi, nữn mơnh lợkơi kũng koyoa mơnh kơmơi đìh apui tợbiã, sớng abih tợgrở mọtã tợbiã mững Yàng Pô Lơngì.

¹³ Rùp-phũn buol adoi-ai pãl ỡ-sơ-nững bẻ mửng pơnuai ni: Mơnih kơmơi iơu-lài sỡng Yàng Pô Lơngì bloh 'buh gòm akõ, nữn hũ iơũ-rợgãm ơu? ¹⁴ 'Buh iơũ pơnuai lớđáp-bơhiàn Yàng pơjiỡng pơto buol adoi-ai lài sa aràng mơnih lợkơi luoi 'bù atàh la ngã mớlou alah rùp-phũn droi, ¹⁵ bloh yah mơnih kơmơi luoi 'bù atàh, nữn tợbiã jiỡng la pơnuai màng-mợkrư tợ ñu ơu? Koyoa 'bù atàh hũ broi tợ mơnih kơmơi yơu sa blah ỡnra gòm akõ rợi. ¹⁶ Yah hũ aràng sỡ khiãng đờm tãm pơjai mửng pơnuai ni, nữn buol dớlhã 'buh hũ lớđáp-mửng nữn, sỡng du Tợpuol Goh-Sợchìh Yàng Pô Lơngì kửng 'buh hũ lớđáp-mửng nữn ơu rợi.

Pợjũm 'Bỡng Sợdỡ Yàng

¹⁷ Bloh hũ pơnuai ni dớlhã 'buh rợgơi mợyòm buol adoi-ai jiỡng: Koyoa pơnuai buol adoi-ai pợtòm-pợjũm 'buh ba truh pơnuai kợ-sơ-màng hợgẽ, bloh dò ngã tợbiã jiỡng jờhà rợlau ỡ. ¹⁸ Dớlhou biã, dớlhã mớhữ lài, tũ buol adoi-ai pợjũm-pợtòm gợũ ỡ tợ duh-dớlbất Yàng, nữn tợkrah buol adoi-ai hũ pơnuai pợỡỡlah kợi tợpuol. Dớlhã pãng-tui la pơnuai ni hũ pợ-ỡnah lợi iơũ. ¹⁹ Biã yơu nữn, bừa pợklah kợi tợpuol tợkrah buol adoi-ai la pơnuai 'buh pleh klàh jiỡng, bloh kửng gơnừm tợ nữn hũ kràn-thơu jiỡng aràng sỡ la mơnih tợpã-siàm biã. ²⁰ Tũ buol adoi-ai pợjũm-pợtòm gợũ ỡ, 'buh iơũ tợ 'Bỡng Sợdỡ Yàng tra. ²¹ Koyoa tũ buol adoi-ai 'bỡng, aràng sỡ aràng nữn tợmbah-tợmbàn 'bỡng pợ-ỡnah phỡn droi dớlhou, sỡng yơu nữn, mơnih nữn lợpa, mơnih nữn tợi sợ-ah sỡng mợbũ. ²² Buol adoi-ai 'buh hũ sàng kợi tợ 'bỡng mớñũm ơu? Halài buol adoi-ai ỡ 'buh sợp tợ Tợpuol Goh-Sợchìh Yàng Pô Lơngì, sỡng khiãng ngã tợ du mơnih sỡũ rợ 'bah pãl mớlou alah? Dớlhã pãl đờm hợgẽ sỡng buol adoi-ai ni? Pãl đờm mợyòm buol adoi-ai mửng

I KÔRINTÔ 11:23 29 I KÔRINTÔ 11:34

bruă ni? 'Buh ơu! Dơhă 'buh moyòm buol adơi-ai mững
bruă ni ơu!

²³ Koyoa tởgrở pơnuă hợgẽ dơhă hũ đờ-mă mững
Yàng, dơhă poto-akhàn wở tở buol adơi-ai: Nữn la lăm
mơlăm Yàng Jêsu kống pơblở jào, Pô mã pah, ²⁴ ưnjomừn
Yàng, bloh nữn 'bết pah sỡng đờm lài: “Ni la rùp-phàp
Kou, koyoa mững buol adơi-ai bloh kống motai. Ngă bẻ
pơnuă ni tô sớđờ Kou.” ²⁵ Kũng yơu nữn rỡi, hợđơi tũ
'bỡng, Pô mã chuàn sỡng đờm: “Chuàn ni la pơnuă Pơguăn-
Pơđoàn Bớrhơu lăm drah Kou. Yàu tũ lợi buol adơi-ai
mỡnữm, ngă bẻ pơnuă ni tô sớđờ Kou.” ²⁶ Yơu nữn,
yàu amãng buol adơi-ai 'bỡng pah ni, mỡnữm chuàn ni,
nữn đờm poto-akhàn bẻ mững bruă Yàng kống motai,
tỡi truh tở tũ Pô truh. ²⁷ Koyoa nữn, aràng sỡi 'bỡng
pah sỡng mỡnữm chuàn Yàng bloh 'buh iớũ pãl, nữn rỡũ
kớđờng glài-sơnh sỡng rùp-phàp sỡng drah Yàng. ²⁸ Yàu
aràng pãl ỡơ-sỡnững wở mững rùp-phũn dời, bloh nữn
ka 'bỡng pah sỡng mỡnữm chuàn ni. ²⁹ Koyoa aràng sỡi
'bỡng pah sỡng mỡnữm chuàn nữn bloh 'buh kràn-thơu
pơnuă pờng-màng rùp-phàp Yàng, nữn la 'bỡng mỡnữm
pơnuă ặh rỡnĩa tở rùp-phũn dời. ³⁰ Koyoa pơnuă nữn,
bloh lăm buol adơi-ai hũ lô mớnih lợ-ỡn lơngoh, rợwă-
sợkì sỡng hũ lô mớnih motai. ³¹ Yah buol gudrỡi thờu
ặh rỡnĩa rùp-phũn dời, nữn buol gudrỡi rỡũ 'buh kớđờng
ặh rỡnĩa. ³² Bloh tũ buol gudrỡi kớđờng Yàng ặh rỡnĩa,
nữn Pô rỡũ poto ngă glài pơrờmừ buol gudrỡi, tô buol
gudrỡi 'buh kớđờng ngă nìn-glài gãm sỡng dun-ya.

³³ Koyoa nữn, ơ buol adơi-ai dờhă, tũ buol adơi-ai
pọtòm-pợjũm wở tô 'bỡng gãm sỡng gợũ, nữn pãl cầng
gợũ bẻ. ³⁴ Yah hũ aràng sỡi lợpa, nữn 'bỡng bẻ tở sầng
dời, tô bruă buol adơi-ai pọtòm-pợjũm gợũ 'buh ba truh
pơnuă ặh rỡnĩa ngă nìn-glài.

Dò du brua pòkõn, tú dõhã truh, dõhã rõi daũ-rõlau
ngã-nìn.

12

Du Põnuai Broi-Soh Mũng Yàng Bõngã Sõcìh-Sri

¹ Ở buol adõi-ai, dõhã 'buh khiãng buol adõi-ai 'buh
thõu hõgẽ mũng du põnuai broi-soh gah bõngã. ² Buol
adõi-ai thõu tú droi dò la mõi nh agàh ka pãng-tui Yàng,
buol adõi-ai kớ ðòng pớ luơ-pớ sớ h sống ðui-ba lăm brua
duh-dõbãt du rớ p-ràk kớ mlo. ³ Koyoa nũn, dõhã khiãng
buol adõi-ai wõng lài, 'buh sa aràng mõi nh lới hũ Bõngã
Sõcìh-Sri Yàng Pô Lõngì ðui-ba, bloh ðòm lài: “Yàng Jêsu
iõũ pãl kõng alẽ-aluah!” Yah Yàng Bõngã Sõcìh-Sri 'buh
ðui-ba, nũn kũng 'buh hũ aràng sõi angãn “Yàng Jêsu la
Yàng!”

⁴ Hũ lô põnuai broi-soh kroi gõũ, bloh mĩn hũ sa Bõngã
Sõcìh-Sri. ⁵ Hũ lô gõnuãr-brua duh brua kroi gõũ, bloh
mĩn hũ sa Yàng. ⁶ Hũ lô brua ngã kroi gõũ, bloh mĩn hũ
sa Yàng Pô Lõngì, la Pô ngã tởgrõ brua lăm tởgrõ mõi nh.
⁷ Bõngã Sõcìh-Sri hũ ràng-tõbiã lăm yàu aràng yàu kroi,
koyoa põnuai kwo-màng gãm sống gõũ. ⁸ Mõi nh ni hũ
Bõngã Sõcìh-Sri broi põnuai ðòm jak-khờh, sống kũng
koyoa mũng sa Bõngã Sõcìh-Sri nũn, mõi nh pớ kớ ð
mã hũ põnuai ðòm jak-thõu. ⁹ Koyoa mũng sa Bõngã
Sõcìh-Sri, broi tở mõi nh ni hũ põnuai pãng-tui; kũng
koyoa mũng sa Bõngã Sõcìh-Sri nũn, broi tở mõi nh di
hũ põnuai broi-soh pớ sỏ-pớ sai h lớ-õn lõngoh rỏwã-sokì.
¹⁰ Mõi nh nũn hũ põnuai anit-broi-soh ngã du brua cớrih-
kroi, mõi nh nũn hũ põnuai anit-broi-soh ðòm hwõr,
mõi nh nũn hũ põnuai anit-broi-soh thõu pớ klah-kroi

tokrah du bongă gơdrưh, mơnih nửn hữ pơnuai anit-broi-soh đờm du ia pơkơn, mơnih nửn hữ pơnuai anit-broi-soh moblàng tởbiã du ia pơkơn nửn. ¹¹ Abih tởgrở pơnuai ni la bruã mững mĩn sa Bơngă Sợih-Sri, Pô broi-pơpha tở yàu aràng tui hotai Pô ngă-nìn.

Hữ Sa Boh Rùp-Phàp Bloh Lô Pơ-ơnah

¹² Koyoa yờ rùp-phàp la sa, bloh hữ lô pơ-ơnah, sỡng du pơ-ơnah lăm rùp-phàp yah hữ lô, bloh sỡđầu mĩn la sa rùp-phàp. Pô Krist kũng yờ nửn rời. ¹³ Gơnửm tở sa Yàng Bơngă Sợih-Sri, bloh abih buol gudrời hữ đờ-mã pơnuai 'baptem tở tởbiã jỡng sa rùp-phàp. Abih buol gudrời, 'buh kớrhia la mơnih Juda halai mơnih Grek, mơnih hỡlũn-hỡlã halai mơnih akỏ-lớhuai tởkai-lớnàng, hữ đờ-mã gãm sa Yàng Bơngă Sợih-sri soh. ¹⁴ Koyoa rùp-phàp 'buh iỡu mĩn hữ sa pơ-ơnah, bloh la lô pơ-ơnah. ¹⁵ Yah tởkai đờm: “Koyoa kờu 'buh iỡu la tởngàn, nửn kờu 'buh gãm sỡng rùp-phàp!” Hữ iỡu koyoa đờm yờ nửn bloh tởkai 'buh gãm sỡng rùp-phàp ơu? ¹⁶ Sỡng yah tởnia đờm: “Koyoa kờu 'buh iỡu la mớta, nửn kờu 'buh gãm sỡng rùp-phàp ni.” Hữ iỡu koyoa đờm yờ nửn bloh tởnia 'buh gãm sỡng rùp-phàp ơu? ¹⁷ Yah abih sa rùp-phàp la mớta, nửn ngă hỡyờu bloh pãng? Yah abih sa rùp-phàp la tởnia, nửn ngă hỡyờu bloh 'bờu? ¹⁸ Bloh Yàng Pô Lớngi hữ daũ-ronaũ tởgrở pơ-ơnah lăm rùp-phàp, yàu pơ-ơnah yàu bruã, tui yờ hotai Pô khiẩng. ¹⁹ Yah abih guũn mĩn la sa pơ-ơnah soh, nửn rùp-phàp anih lời? ²⁰ Yờu nửn, yah hữ lô pơ-ơnah, bloh mĩn hữ sa rùp-phàp.

²¹ Mớta 'buh rợgời đờm sỡng tởngàn lài: “Kờu 'buh cầng truh hã,” akỏ kũng 'buh rợgời đờm sỡng tởkai lài: “Kờu 'buh cầng truh guhã.” ²² Tởblỡ wỏ, tởgrở pơ-ơnah lời lăm rùp-phàp cở yờu 'buh khẩng-pràn rớlau, nửn la pãl cầng hữ rớlau abih. ²³ Tởgrở pơ-ơnah lời lăm rùp-phàp

bloh buol gudroi sônŕng la bôhiàn-soh 'buh prông-màng, nŕn buol gudroi 'brô pãl ĉơ la prông-màng rôlau. Tôgrở pơ-ơnah lơi 'buh mớkrư, nŕn buol gudroi pãl rak ngã tô mớkrư rôlau. ²⁴ Tôgrở pơ-ơnah lơi hũ mớkrư bớjơ, nŕn 'buh cầng rak ĉơ tra. Bloh Yàng Pô Lơngì hũ daũ-rơnaũ rùp-phàp yơu nŕn, tô pơ-ơnah lơi 'buh prông-màng nŕn hũ ĉơ la prông-màng rôlau, ²⁵ tô 'buh hũ pơnaũ pơĉơlah kroi lơi lăm rùp-phàp, bloh tôgrở pơ-ơnah pãl ĉơ-sônŕng gãm truh tơ gơũ. ²⁶ Yah sa pơ-ơnah lơi kông pơđi-pơđoa, nŕn abih tôgrở pơ-ơnah pơkởn pơđi-pơđoa gãm sớng gơũ. Yah sa pơ-ơnah lơi hũ prông-màng, nŕn abih tôgrở pơ-ơnah pơkởn kŕng sớh-sài gãm sớng gơũ.

²⁷ Buol adơi-ai la rùp-phàp Pô Krist, sớng yàu aràng la sa pơ-ơnah lăm rùp-phàp nŕn. ²⁸ Yàng Pô Lơngì hũ daũ-rơlaũ lăm Tôrpuol Goh-Sớchìh, ĉơmrừp biã la mớnih tơdi-tơdài, dua la mớnih gơnuãr-hwởr, kơu la mớnih pơgru poto, bloh nŕn truh mớnih ngã pơnaũ ĉrìh-kroi, mớnih hũ pơnaũ anit-bơi-soh pơsò-pơsaih lơ-ởn lơngoh rơwã-sơkì, mớnih đờng-kởl, mớnih apãn-akỏ, mớnih đờm tôgrở ia pơkởn.

²⁹ 'Buh iơũ abih tôgrở mớnih la mớnih tơdi-tơdài; abih tôgrở mớnih la mớnih gơnuãr-hwởr; abih tôgrở mớnih la mớnih pơgru poto, halài abih tôgrở mớnih ngã pơnaũ ĉrìh-kroi. ³⁰ Kŕng 'buh iơũ abih tôgrở mớnih hũ pơnaũ anit-bơi-soh pơsò-pơsaih lơ-ởn lơngoh rơwã-sơkì; abih tôgrở mớnih đờm tôgrở ia pơkởn, halài abih tôgrở mớnih mớblàng tobiã jĩớng tôgrở ia pơkởn.

³¹ Buol adơi-ai mớhau-duah bẻ tôgrở pơnaũ bơi-soh mầng-glòng rôlau. Tũ ni, đơlhã rơũ poto tơ buol adơi-ai jơlàn mớkrư-siàm rôlau.

13

Pɔnuai Uôn-Ronăm

¹ Yah dolhă ðòm jiông tɔgrõ ia joi anà mɔnih sɔng mɔnih gɔdruh, bloh 'buh hũ pɔnuai uôn-ronăm, nũn dolhă mĩn you sãp cềng dolông halai sãp sàr poh. ² Yah dolhă hũ pɔnuai broi-soh ðòm hwõr, sɔng thɔu abih tɔgrõ pɔnuai tɔrđũ-dɔrlăm gãm sɔng tɔgrõ pɔnuai jak-thɔu; yah dolhă hũ abih pɔnuai păng-tui prɔng tɔi truh hũ rɔgɔi pɔđãr cở tɔgò nau jiông, bloh 'buh hũ pɔnuai uôn-ronăm, nũn dolhă sɔđãu la mɔnih 'buh kwɔ-màng hɔgẽ. ³ Yah dolhă broi-pɔrpha abih phɔn-bɔna phũm-kɔsai droi tô rông mɔnih siõu rɔ'bah, halai klà-luoi rùp-phàp droi tô kɔng çuh lăm apui, bloh 'buh hũ pɔnuai uôn-ronăm, nũn du pɔnuai nũn kũng 'buh kwɔ-màng hɔgẽ tɔ dolhă.

⁴ Pɔnuai uôn-ronăm jiăng kɔng ă-ữn, pɔnuai uôn-ronăm jiăng lɔnguh-siàm; pɔnuai uôn-ronăm 'buh oàn-mɔbai, 'buh yeh-droi, 'buh pɔglòng-rùp, ⁵ 'buh ngã pɔnuai sũng adăt, 'buh duah phũn-hɔjũng mĩn tɔ rùp-phũn droi, 'buh sɔmãr anok hotai, 'buh sɔđɔr-pioh pɔnuai mɔsak-jɔhà, ⁶ 'buh sòh mũng pɔnuai 'buh rĩng-tɔpă, bloh sòh lăm pɔnuai tɔpă. ⁷ Pɔnuai uôn-ronăm jiăng anit toh-luoi abih tɔgrõ mɔta, păng-tui abih tɔgrõ mɔta, gɔnũm-çàng abih tɔgrõ mɔta, kɔng ă-ữn abih tɔgrõ mɔta.

⁸ Pɔnuai uôn-ronăm dò mĩt-mĩt 'buh tũ loi luĩ lɔhiã. Pɔnuai anit-broi ðòm hwõr rɔũ abih, pɔnuai anit-broi-soh ðòm ia pɔkɔn rɔũ pɔđɔh, pɔnuai anit-broi-soh wɔng thɔu kũng rɔũ abih. ⁹ Kɔyoa buɔi gudroi wɔng thɔu ka wĩl-tɔi, ðòm hwõr kũng ka wĩl-tɔi. ¹⁰ Bloh tũ pɔnuai wĩl-tɔi hũ truh, nũn pɔnuai ka hũ wĩl-tɔi rɔũ kɔđòng klà luoi. ¹¹ Tũ dolhă dò la lɔ-ɔneh tìt, dolhă ðòm you lɔ-ɔneh tìt, sɔnũng-bɔngoàn you lɔ-ɔneh tìt, ðòm boyai-sɔnũng you lɔ-ɔneh tìt; bloh tũ dolhă hũ jiông mɔnih prɔng, nũn

dolhã luoi abih tɔgrɔ hɔgɛ la lɔ-ɔneh tít. ¹² Tũ ni, buol gudroi mĩn 'buh bɔrmɔp-bɔrmɔp yɔu lã sa boh krɔh, truh tũ nũn, buol gudroi rɔũ 'buh loh-làng yɔu mɔta sɔng mɔta. Tũ ni, dolhã thɔu ka abih, bloh tũ nũn, dolhã rɔũ thɔu yɔu Yàng hũ thɔu dolhã rɔi. ¹³ Nũn tũ ni dò wɔ klɔu pɔnuai ni: Pɔnuai pãng-tui, pɔnuai gɔnũm-çàng, sɔng pɔnuai uɔn-rɔnãm. Bloh pɔnuai prɔng-màng rɔlau lã klɔu pɔnuai nũn la pɔnuai uɔn-rɔnãm.

14

Pɔnuai Broi-Soh Đòm Ia Pɔkɔn Sɔng Đòm Hwɔr

¹ Pɔgui tui bɛ pɔnuai uɔn-rɔnãm sɔng mɔhau-duah du pɔnuai broi-soh gah bɔngã, dolhɔu biã la pɔnuai broi-soh ðòm hwɔr. ² Koyoa mɔnih ðòm ia pɔkɔn, nũn 'buh iɔũ ðòm sɔng jɔi anà mɔnih, bloh ðòm sɔng Yàng Pô Lɔngi nũn 'buh hũ aràng sɔi wɔng jĩɔng, koyoa mɔnih nũn ðòm du pɔnuai tɔrđũ-dɔrlãm lã Bɔngã Sɔçih-Sri. ³ Bloh mɔnih ðòm hwɔr, nũn ðòm sɔng anà mɔnih tô bɔ-tɔgò, tô poto-kɔkɔi sɔng pɔluɔ-pɔrɔngài. ⁴ Mɔnih ðòm ia çrih bɔ-tɔgò rùp-phũn droi, bloh mɔnih ðòm hwɔr nũn bɔ-tɔgò Tɔrpuɔl Goh-Sɔçih. ⁵ Dolhã khiãng-lɔkɔu biã abih buol adɔi-ai ðòm ia çrih, bloh dolhã 'brɔ khiãng-lɔkɔu rɔlau wɔ la buol adɔi-ai ðòm hwɔr. Mɔnih hũ pɔnuai broi-soh ðòm hwɔr prɔng-màng rɔlau mɔnih hũ pɔnuai broi-soh ðòm ia çrih bloh 'buh hũ mɔnih mɔblàng tobiã, tô Tɔrpuɔl Goh-Sɔçih hũ bɔ-tɔgò.

⁶ Ó buol adɔi-ai, yah dolhã truh sɔng buol adɔi-ai, mĩn ðòm du ia çrih, bloh 'buh ðòm sɔng buol adɔi-ai sa pɔnuai akhàn-tobiã lɔi, 'buh ðòm sa pɔnuai jak-thɔu lɔi, 'buh ðòm sa pɔnuai ðòm hwɔr lɔi, 'buh ðòm sa pɔnuai poto-pɔsài lɔi, nũn hũ kɔw-màng hɔgɛ tɔ buol adɔi-ai ɔu? ⁷ Tɔgrɔ phɔn 'buh hũ pɔnuai hɔdiũ bloh pɔtɔbiã

săp mœni kũng you nũn rơi, you toliă halai phõn pẽ sỡng tỡngàn, yah 'buh potobiă du săp mœni kroi goũ, nũn ngă hoyou aràng thou nũn la săp toliă oyù halai săp phõn pẽ sỡng tỡngàn? ⁸ Yah kớwỏk blũh săp 'buh loh-làng, nũn aràng soi rỏũ rỏchăng tô tobiă nau tẵmngă? ⁹ Buỏl adoi-ai kũng you nũn rơi, yah dớlah buỏl adoi-ai 'buh đờm du pỏnuai hũ rỏgơi wờng jỡng, nũn ngă hoyou aràng wờng pỏnuai buỏl adoi-ai đờm? Koyoa buỏl adoi-ai mĩn đờm wĩ-wỏ, 'buh hũ kotha-pỏnuai hợgẽ. ¹⁰ Lẵm dun-ya ni hũ lô ia đờm, bloh 'buh hũ ia đờm loi la 'buh hũ kotha-pỏnuai. ¹¹ You nũn, yah dớlhă 'buh wờng kotha-pỏnuai ia đờm nũn, mớnih đờm ia nũn rỏũ ỡr dớlhă la mớnih lợgăr pỏkỏn, sỡng dớlhă kũng ỡr buỏl guũu la mớnih lợgăr pỏkỏn rơi. ¹² Buỏl adoi-ai kũng you nũn rơi, koyoa mớhau-duah tợgrỏ pỏnuai bớri-soh gah bớngă, buỏl adoi-ai tui duah bẽ tô hũ dớlah-dớlài du pỏnuai bớri-soh nũn, tô bỡ-pỏdỡng Tỏrpuỏl Goh-Sỏchih.

¹³ Koyoa nũn, mớnih đờm ia pỏkỏn, nũn iou-lài bẽ tô hũ pỏnuai bớri-soh mớblàng-tỏbiă jỡng ia nũn. ¹⁴ Koyoa yah dớlhă iou-lài sỡng ia ỡrih, nũn hotai-bớngă dớlhă iou-lài, bloh hotai-akỏ dớlhă 'buh đờ-mă hũ phũn-hợjũng hợgẽ. ¹⁵ You nũn dớlhă pẵl ngă hợgẽ? Dớlhă rỏũ iou-lài sỡng hotai-bớngă, sỡng dớlhă kũng rỏũ iou-lài sỡng hotai-akỏ rơi. Dớlhă rỏũ adoh-moyòm sỡng hotai-bớngă, sỡng dớlhă kũng adoh-moyòm sỡng hotai-akỏ rơi. ¹⁶ Biă you nũn, yah buỏl adoi-ai mĩn ỏnjomũn Yàng sỡng hotai-bớngă soh, nũn ngă hoyou du mớnih bớhiàn dò guh pẵng hũ rỏgơi đờm “Amen” mẵng du pỏnuai buỏl adoi-ai ỏnjomũn jỡng, yah buỏl guũu 'buh wờng buỏl adoi-ai đờm hợgẽ? ¹⁷ Yah lài pỏnuai buỏl adoi-ai ỏnjomũn la siàm biă, bloh mớnih pỏkỏn 'buh gỏnũm tỡ nũn bloh hũ bỡ-tợgồ. ¹⁸ Dớlhă ỏnjomũn Yàng Pô Lợngì, koyoa dớlhă hũ pỏnuai bớri-soh đờm ia ỡrih lô rỏlau tỡ abih buỏl adoi-

ai. ¹⁹ Bloh lăm Tơpuoɿ Goh-Sočih, yah dơlħă đòm loma pơnuai sỡng hơtai-akỗ tô poto-pơsài mớnih pokỗn, siàm rơlau la đòm sa-pluh rỗbơu pơnuai sỡng ia ỡrih.

²⁰ Ở buoɿ adơi-ai, mững pơnuai wờng thơu, nữn juoi yơu lờ-ỡneh tit; bloh mững pơnuai mớsak-johà, nữn yơu lờ-ỡneh tit bẻ. Mững pơnuai wờng thơu, nữn yơu bẻ mớnih pờng. ²¹ Lăm pơnuai adăt-adia hũ wả:

“Yàng đòm: Kơu rỗũ angui du mớnih đòm ia ỡrih kơoi,
Sỡng kàng-bobah mớnih lợgăr pokỗn bloh đòm sỡng
buoɿ làng ni;

Yah yơu nữn, buoɿ guũ kũng 'buh păng Kơu.’ *

²² Yơu nữn, du ia ỡrih la sa boh nàl, 'buh iỗũ tơ du mớnih păng-tui Yàng, bloh la tơ du mớnih 'buh păng-tui Yàng. Dò pơnuai đòm hwỡr la sa boh nàl, 'buh iỗũ tơ du mớnih 'buh păng-tui, bloh la tơ du mớnih păng-tui Yàng.

²³ Tũ abih Tơpuoɿ Goh-Sočih pơjũm-potòm wỡ sỡng gỡũ, sỡng aràng sỡi kũng đòm ia ỡrih soh, yah hũ du mớnih bỡhiàn halài mớnih ka păng-tui tơma păng, nữn buoɿ guũ 'buh đòm la buoɿ adơi-ai hỡnrui-gơla ơu? ²⁴ Bloh yah abih tợgrỡ mớnih aràng sỡi kũng đòm hwỡr, nữn tũ hũ mớnih ka păng-tui halài mớnih bỡhiàn nau tơma, mớnih nữn rỗũ 'buh dời kỡng tợgrỡ mớnih đòm poto-pothơu mững glài-sơnoh dời, sỡng kỡng tợgrỡ mớnih ỡhroĩa. ²⁵ Du pơnuai bỡdỗũ-tợdỗũ lăm dờlăm hơtai-hơtiàn buoɿ guũ rỗũ kỡng ràng-tobiã, buoɿ guũ rỗũ pờđih rùp tơ ala bloh duh-dờbăt Yàng Pô Lợngi, sỡng đòm lài: “Iỗũ biã, hũ Yàng Pô Lợngi dò tợkrah buoɿ adơi-ai.”

Bruã Daũ-Rơlau Dờlơu-Hợdơi Tũ Potòm-Pơjũm

²⁶ Ở buoɿ adơi-ai, yơu nữn buoɿ gudời pãl ngã hợyơu ni? Tũ buoɿ adơi-ai potòm-pơjũm wỡ sỡng gỡũ, aràng

* 14:21 14:21 Êsai 28:11-12.

sơi hũ pơnuai adoh-moyòm Yàng, aràng sơi hũ pơnuai poto-pơsài, aràng sơi hũ pơnuai akhàn-tơbiã, aràng sơi đờm ia Ɖrih, aràng sơi hũ pơnuai bơi-soh mơblàng-tơbiã ia Ɖrih, nửn ngã bẻ abih tơgrở mơta tô bở-tơgò Tơpuol Goh-Sơih. ²⁷ Yah hũ mơnih đờm ia Ɖrih, nửn mĩn dua halài klou aràng đờm la lô biã bojơ. Yàu aràng pãl đờm tui pơnuai đảu-rơlaũ dơlhou-hơdơi, sỡng pãl hũ mơnih mơblàng-tơbiã. ²⁸ Yah 'buh hũ mơnih mơblàng-tơbiã, nửn mơnih hũ pơnuai bơi-soh đờm ia Ɖrih pãl dò kơđỡng lăm Tơpuol Goh-Sơih, mĩn đờm sỡng rùp-phũn dơi sỡng Yàng Pô Lơngì soh. ²⁹ Du mơnih đờm hwởr kũng yơu nửn rơi, mĩn dua halài klou aràng đờm soh, sỡng du mơnih pơkỡn nửn sỡnửng-Ɖơ mững pơnuai buol guũ đờm. ³⁰ Bloh yah hũ aràng sơi dò guh tơ anih nửn đờ-mã hũ pơnuai akhàn-tơbiã mững Yàng, nửn mơnih dò đờm pãl dò kơđỡng. ³¹ Koyoa yàu aràng lăm buol adơ-ai hũ rơgơi tui pơnuai đảu-rơlaũ dơlhou-hơdơi bloh đờm hwởr, tô abih tơgrở mơnih kũng hũ mơgru-thơu sỡng hũ poto-pơsỡh. ³² Hotai-bơngã du mơnih gơnuãr-hwởr pãl pãng-duh du mơnih gơnuãr-hwởr. ³³ Koyoa Yàng Pô Lơngì 'buh iỡũ la Yàng Pô Lơngì pơnuai dờlìng-dờlàng klùk-klòk, bloh la Yàng pơnuai rĩng-lơngai.

Tui yơu adãt lớđãp-mững lăm abih tơgrở Tơpuol Goh-Sơih du mơnih sỡih-sri, ³⁴ mơnih kơmơi pãl dò kơđỡng lăm Tơpuol Goh-Sơih. Buol guũ 'buh hũ gơnuãr đờm tơ anih nửn, bloh pãl pãng-duh yơu pơnuai adãt-adia hũ poto. ³⁵ Yah khiãng mơgru thơu pơnuai hợgẽ, nửn buol guũ pãl tơnia bẻ pơsàng dơi tơ sàng. Koyoa mơnih kơmơi đờm tơkrah Tơpuol Goh-Sơih la pơnuai iỡũ pãl mớlơu alah biã. ³⁶ Hũ iỡũ pơnuai Yàng Pô Lơngì tởbiã mững anih buol adơ-ai, halài mĩn truh sỡng sa aràng buol adơ-ai soh?

³⁷ Yah aràng sơi sỡnửng dơi la mơnih gơnuãr-hwởr,

halài hũ tɔgrɔ pɔnuai broi-soh gah bɔngă, nũn pãl thɔu loh-làng lài, tɔgrɔ pɔnuai hɔgê dolhă wã tɔ buɔl adɔi-ai ni la pɔnuai gɔnuar-pɔđar mũng Yàng. ³⁸ Yah aràng sɔi 'buh kràn thɔu pɔnuai ni, nũn juɔi kràn thɔu mɔnih nũn.

³⁹ Koyoa nũn, ɔ buɔl adɔi-ai, abih hotai-hotiàn mɔhau-duah bẽ pɔnuai broi-soh ðòm hwɔr, sɔng juɔi pɔkɔũ-çokhă bruă ðòm du ia pɔkɔn. ⁴⁰ Bloh abih tɔgrɔ bruă pãl ngă bẽ tô iɔũ adăt sɔng tui pɔnuai ðau-rɔlau ðolhou-hɔdɔi.

15

Bruă Pô Krist Hɔdiũ Wɔ

¹ Ơ buɔl adɔi-ai, ðolhă khiăng pɔsɔđɔr wɔ tɔ buɔl adɔi-ai Pɔnuai-Siàm bloh ðolhă hũ pɔto-akhàn, la Pɔnuai-Siàm bloh buɔl adɔi-ai hũ ðò-mă sɔng dò ðɔng kojăp lăm nũn. ² Gɔnũm tɔ Pɔnuai-Siàm nũn bloh buɔl adɔi-ai hũ ðɔng-pɔklàh, mĩn la buɔl adɔi-ai păng-rɔmiă kojăp pɔnuai ðolhă hũ pɔto-akhàn tɔ buɔl adɔi-ai, yah 'buh ɔu nũn, buɔl adɔi-ai hũ păng-tui kũng 'buh kwɔ-màng. ³ ðolhou biă, ðolhă hũ pɔto-akhàn wɔ tɔ buɔl adɔi-ai pɔnuai bloh rùp-phũn ðolhă hũ ðò-mă, nũn la Pô Krist hũ kɔng mɔtai koyoa glài-sɔnoh buɔl gudɔi, tui pɔnuai 'Bòn Bɔ-àr Sɔcih-Sri. ⁴ Pô hũ kɔng đɔr, sɔng hɔdɔi klɔu hɔrɔi, Pô hũ hɔdiũ wɔ, tui pɔnuai 'Bòn Bɔ-àr Sɔcih-Sri. ⁵ Pô hũ tobiă pɔ'buh rùp tɔ Sepha, bloh nũn tɔ sa-pluh dua aràng mɔnih tɔdi-tɔdài. ⁶ Hɔdɔi mũng nũn, lăm sa amăng, Pô tobiă pɔ'buh rùp tɔ rɔlau lɔma rɔtùh buɔl adɔi-ai ɔr 'buh, lô mɔnih lăm buɔl nũn tũ ni sɔđau dò hɔdiũ, yah hũ du mɔnih mɔtai bɔjɔ. ⁷ Pô kũng tobiă pɔ'buh rùp tɔ Jakɔ, hɔdɔi mũng nũn tɔ abih du mɔnih tɔdi-tɔdài. ⁸ Hɔdɔi luĩ, Pô kũng hũ tobiă pɔ'buh rùp tɔ ðolhă, ɔu tɔ sa aràng anà mɔnga ðih apui ka tɔl blàn. ⁹ Koyoa abih

tơgrở mơnih tōdi-tōdài pōkởn la prǒng-màng rơlau tơ đōlhă. Đờm tōpă, đōlhă la mơnih 'buh iơũ pǎl tồ hũ angăn la mơnih tōdi-tōdài, koyoa đōlhă hũ mǎ-pōkởũ Tơpuơl Goh-Sơch Yàng Pô Lơngì. ¹⁰ Bloh gơnừm tơ pơnuai anit-bơri-soh mững Yàng Pô Lơngì bloh đōlhă hũ yơu hơơi ni, sỡng pơnuai anit-bơri-soh Pô bơri tơ đōlhă 'buh iơũ la 'buh kwơ-màng. Tơblở wở, đōlhă ngă bruă lô rơlau tơ abih tởgrở mơnih pōkởn, bloh 'buh iơũ la đōlhă, nừn la pơnuai anit-bơri-soh Yàng Pô Lơngì hũ ngă bruă lăm đōlhă. ¹¹ Yơu nừn, yah đōlhă halài du mơnih pōkởn, nừn la pơnuai buol đōlhă poto-akhàn, sỡng la pơnuai buol adơi-ai hũ păng-tui.

Bruă Mơnih Mọtai Hơdiũ Wở

¹² Yah buol đōlhă hũ poto-akhàn lài Pô Krist hũ hơdiũ wở mững pơnuai mọtai, nừn kơđa hợgê lăm buol adơi-ai hũ mơnih đờm lài: 'buh hũ bruă du mơnih mọtai hơdiũ wở? ¹³ Yah mơnih mọtai 'buh hơdiũ wở, nừn Pô Krist kũng 'buh hơdiũ wở. ¹⁴ Sỡng yah Pô Krist 'buh hơdiũ wở, nừn pơnuai buol đōlhă poto-akhàn la 'buh kwơ-màng, sỡng pơnuai păng-tui buol adơi-ai kũng 'buh kwơ-màng. ¹⁵ Yah mơnih mọtai 'buh hơdiũ wở, nừn buol đōlhă kỡng aràng cở la du mơnih ngă gơnh lỡr mững Yàng Pô Lơngì, koyoa buol đōlhă hũ đờm ngă gơnh lài, Yàng Pô Lơngì hũ ngă tơ Pô Krist hơdiũ wở, lăm tũ Pô 'buh ngă tơ Pô Krist hơdiũ wở! ¹⁶ Koyoa yah mơnih mọtai 'buh hơdiũ wở, nừn Pô Krist kũng 'buh hơdiũ wở. ¹⁷ Sỡng yah Pô Krist 'buh hơdiũ wở, nừn pơnuai păng-tui buol adơi-ai kũng tởbiă jỡng 'buh kwơ-màng, sỡng buol adơi-ai sỏđầu dò hơdiũ lăm glài-sơnh đơi. ¹⁸ Yơu nừn, du mơnih hũ mọtai lăm Pô Krist kũng pǎl kỡng mọtai-lơhiă rài pơdò rài. ¹⁹ Yah buol gudơi mừn hũ pơnuai gơnừm-càng lăm Pô Krist mững rài ni soh, nừn lăm abih tởgrở mơnih, buol gudơi la du mơnih anit-ană rơlau abih.

²⁰ Bloh tũ ni, Pô Krist hũ mững mônih motai hơđiũ wở bojơ, Pô la mônih đơlhou-čomrùp rơlau abih hơđiũ wở, sớng la čõng-groh bơri 'buh lài du mônih motai rồũ hũ hơđiũ wở. Pô mớhiở yơu la mớboh akõ thũn tồgrở mônih motai. ²¹ Koyoa yơu mững sa aràng mônih bloh hũ pơnuai motai, nũn kũng gơnũm tơ sa aràng mônih bloh hũ pơnuai hơđiũ wở tơ du mônih motai. ²² Yơu lăm Adam, abih tồgrở mônih pãl motai, kũng yơu nũn rơi, lăm Pô Krist abih tồgrở mônih rồũ hơđiũ wở. ²³ Bloh yàu aràng rồũ tui pơnuai daũ-rơlau đơlhou-hơđơi đơi: Pô Krist la mớboh akõ thũn, nũn Pô hơđiũ wở đơlhou-čomrùp rơlau abih, bloh nũn truh du mônih gãm lăm Pô; buol guũu rồũ hơđiũ wở tũ Pô Krist truh mớrai. ²⁴ Bloh nũn pơnuai lũi-dũt rồũ truh, tũ Pô jào lợgãr wở tơ Yàng Pô Lơngì, la Ama, hơđơi tũ Pô hũ pơluĩ-pơlơhiã abih tồgrở gơnuãr apãn-akõ, tồgrở gơnãp-gơnuãr sớng tồgrở gơnuãr-pràn. ²⁵ Koyoa Pô pãl apãn-akõ, tồĩ truh tơ tũ Yàng Pô Lơngì daũ abih tồgrở mônih mớbai-tãmdrã tơ ala tởkai Pô. ²⁶ Mônih mớbai-tãmdrã lũi-dũt kớng pơluĩ-pơlơhiã la pơnuai motai. ²⁷ Koyoa Yàng Pô Lơngì hũ daũ abih tồgrở jơi-phởn pãng-duh tơ ala tởkai Pô Krist. Bloh tũ đờm “tồgrở jơi-phởn pãl pãng-duh,” nũn loh-làng la 'buh kớrhia gãm Yàng Pô Lơngì, la Pô daũ abih tồgrở jơi-phởn pãl pãng-duh tơ ala tởkai Pô Krist. ²⁸ Tũ abih tồgrở jơi-phởn hũ pãng-duh tơ ala Pô Krist bojơ, nũn rùp-phũn Pô, koyoa la Anà, kũng rồũ pãng-duh Pô hũ ngã tơ abih tồgrở jơi-phởn pãng-duh đơi; sớng yơu nũn, Yàng Pô Lơngì hũ gơnuãr wĩl-tồĩ apãn-akõ tơ ngổ abih tồgrở jơi-phởn.

²⁹ Yah du mônih motai 'buh hơđiũ wở, nũn du mônih đờ-mã 'baptem ala du mônih motai rồũ hũ hợgẽ? Yah mônih motai 'buh hơđiũ wở, nũn kớđa hợgẽ aràng đờ-mã 'baptem ala buol guũu? ³⁰ Sớng kớđa hợgẽ rùp-phũn

buol dơlă tũ-jơ lơi kũng pãl dò lăm pơnuai mọtai-lơhiã soh? ³¹ Ở buol adơi-ai, yàu hơrơi dơlă pãl pãp mọtai sỡng pơnuai mọtai. Pơnuai ni la tốpã biã yơu nũn, kũng yơu pơnuai dơlă yeh-dơi pỡglòng-rùp mững buol adơi-ai lăm Yàng Jêsu Krist, Yàng buol gudrơi, kũng la tốpã biã rơi. ³² Yah kọyoa mững du pơnuai bỡhiàn rài ni bloh dơlă tãmngã sỡng du joi-phỡn pà gah tókai mớsak-johà lăm Ephesô, nũn dơlă hũ kwo-màng hợgẽ? Yah mớnih mọtai 'buh hơdiũ wỡ, nũn buol gudrơi kừ 'bỡng bẽ, kừ mớniũm bẽ, kọyoa hợrơi bỡgi buol gudrơi rỡũ mọtai!

³³ Buol adơi-ai juoi luoi kớđòng aràng pơluơ pỡng-gola: Mớ-in sỡng mớnih johà, mớnih siàm kũng tởbiã jỡng johà. ³⁴ Pãl mớđơh-thơu bẽ, hợdiũ tốpã-siàm bẽ, sỡng juoi ngã glài-sơnh. Kọyoa hũ du mớnih lăm buol adơi-ai hợdiũ yơu 'buh thơu hợgẽ mững Yàng Pô Lợngì. Dơlă đờm yơu nũn tồ buol adơi-ai pãl mớlơu alah.

Bruã Rùp-Phạp Hợdiũ Wỡ

³⁵ Bloh hũ mớnih rỡũ đờm lài: “Ngã hợyơu mớnih mọtai hợdiũ wỡ jỡng? Buol guũu mã rùp-phạp lơi bloh hợdiũ wỡ?” ³⁶ Ở mớnih bỡngũl-gola dih! Phỡn hợgẽ sỡ-ai đơnih trũn, 'buh iỡũ nũ pãl mọtai dờlơu bloh nũn ka hợdiũ wỡ ơu? ³⁷ Tợgrỡ phỡn sỡ-ai đơnih, nũn 'buh iỡũ la sỡ-ai đơnih rỡp-rùp tũ tomuh đĩ rỡũ hũ, bloh mĩn la sa gấ pợjeh, yơu gấ bớđai halài du gấ pợjeh pớkỡn. ³⁸ Yàng Pô Lợngì bỡi tỡ nũ sa rỡp-rùp tui họtai Pô khiãng, bỡi tỡ yàu joi gấ pợjeh yàu rỡp-rùp kỡi gớũ. ³⁹ 'Buh iỡũ abih tợgrỡ rùp-phạp drah-rợlo la mớhiỡ yơu gớũ; bloh rùp-phạp drah-rợlo anà mớnih kỡi, rùp-phạp drah-rợlo joi-phỡn pà gah tókai kỡi, rùp-phạp drah-rợlo joi cĩm kỡi, rùp-phạp drah-rợlo joi akàn kỡi. ⁴⁰ Kũng hũ du rỡp-rùp gãm sỡng ngỗ lợngì, sỡng hũ du rỡp-rùp gãm sỡng ala lỡn. Pơnuai màng-kớcrà du rỡp-rùp gãm sỡng ngỗ lợngì kỡi

sống pơnuai măng-kơcrà du rộp-rụp găm sống ala lờn.
⁴¹ Pơnuai măng-kơcrà ia-hơrơi kơrơi, pơnuai măng-kơcrà ia-blàn kơrơi, pơnuai măng-kơcrà du ia-pơtũ kơrơi; pơnuai măng-kơcrà ia-pơtũ ni sống pơnuai măng-kơcrà ia-pơtũ dih kũng kơrơi tơ gơũ.

⁴² Bruả mơnih mọtai hơdiũ wở kũng yơu nửn rơi. Rụp-phàp đơnih trũn la brũ-brãm, bloh hơdiũ wở la 'buh tũ lơi mọtai. ⁴³ Đơnih trũn la mớlou alah, bloh hơdiũ wở la măng-kơcrà; đơnih trũn la 'buh pràn-khăng, bloh hơdiũ wở la pràn-khăng; ⁴⁴ đơnih trũn la rụp-phàp drah-rơlo, bloh hơdiũ wở la rụp-phàp gah bơngă. Yah hũ rụp-phàp drah-rơlo, nửn kũng hũ rụp-phàp gah bơngă. ⁴⁵ Yơu hũ pơnuai wả: “Anà mơnih cômừp la Ađam, hũ tobiã jĩong sa jơi-phỡn hơdiũ hũ bơngă-joa, bloh Ađam hơdơi luỉ la bơngă gơdrũh bơrơi pơnuai hơdiũ.” *

⁴⁶ 'Buh iơũ anà mơnih gah bơngă truh đơlhou, bloh la anà mơnih gah rụp-phàp drah-rơlo, hơdơi mũng nửn la anà mơnih gah bơngă. ⁴⁷ Mơnih cômừp koyoa mũng lờn bloh tobiã, la găm sống lờn, mơnih dua koyoa mũng ngỗ lợngì bloh truh. ⁴⁸ Du mơnih găm sống lờn, nửn mớhiỡ yơu mơnih tobiã mũng lờn; du mơnih găm sống ngỗ lợngì, nửn mớhiỡ yơu Pô truh mũng ngỗ lợngì. ⁴⁹ Yơu buớ gudrơi hũ đờ-mả rụp-rộp mơnih tobiã mũng lờn, nửn buớ gudrơi kũng rờũ hũ đờ-mả rụp-rộp Pô truh mũng ngỗ lợngì.

⁵⁰ Ở buớ adơ-ai, đơlhă khiăng đờm lài, rơlo sống drah 'buh rợgơi đờ-lẻng lợgă Yàng Pô Lợngì jĩong, sống pơnuai brũ-brãm 'buh rợgơi đờ-lẻng pơnuai 'buh brũ-brãm jĩong. ⁵¹ Ni la pơnuai tơđơũ-dơlẵm bloh đơlhă khiăng đờm sống buớ adơ-ai: 'Buh iơũ abih buớ gudrơi

* 15:45 15:45 Bơ-àr cômừp 2:7.

roũ motai, bloh abih buol gudroi roũ hũ pơsơlih rùp-phàp bớrhơu, ⁵² lăm sa-sít tũ, lăm sa kớđíp mota, tũ sấp kớlwờk hớđơi luĩ blùh dớlờng. Koyoa kớlwờk roũ blùh, du mớnih motai roũ hớđiũ wớ tồ đờ-lẻng pơnuai hớđiũ rài pớđò rài, sớng buol gudroi roũ hũ pơsơlih rùp-phàp bớrhơu. ⁵³ Koyoa rùp-phàp pải brũ-brẵm ni roũ cừ pơnuai 'buh tũ lơi brũ-brẵm, sớng rùp-phàp pải motai ni roũ cừ pơnuai 'buh tũ lơi motai. ⁵⁴ Tũ rùp-phàp pải brũ-brẵm ni cừ pơnuai 'buh tũ lơi brũ-brẵm, sớng rùp-phàp pải motai ni cừ pơnuai 'buh tũ lơi motai, nửn hũ tobiã iớu tợpã biã you pơnuai lăm 'Bờn Bơ-àr Sớchih-Sri hũ wã: “Pơnuai motai kớng luớn thít lăm pơnuai pha-jai rớlau.”†

⁵⁵ “Ớ pơnuai motai, pơnuai pha-jai rớlau hã anih lơi?”

Ớ pơnuai motai, ia bih hã anih lơi?” ‡

⁵⁶ Ia bih pơnuai motai la glài-sớnh, gớnuar-pràn glài-sớnh la pơnuai adăt-adia. ⁵⁷ Bloh ứnjomừn Yàng Pồ Lớngi hũ bớri tợ buol gudroi pơnuai pha-jai rớlau, gớnừm tợ Yàng buol gudroi la Yàng Jêsu Krist.

⁵⁸ You nửn, ớ buol adơi-ai dớlhã uớn-rớnẵm, kớjấp-pràn hotai-hotiàn bẻ, juoi luoi pơnuai hớgẻ ngã mớgới-totũn droi. Tũ lơi kũng pải abih hotai-hotiàn duh bruã Yàng, koyoa thớu lài 'buh sa bruã lơi buol adơi-ai ngã tợ Yàng la 'buh kwớ-màng.

16

Bruã Rì-Daũ Phớn-Priã Dờng-Kờl

¹ Mứng bruã rì-daũ phớn-priã dờng-kờl du mớnih pãng-tui Yàng, nửn yờng buol adơi-ai ngã tui bẻ you pơnuai dớlhã hũ poto-pớđar tợ du Tợpưol Goh-Sớchih lăm cầr Galati. ² Kừ hớroi cớmrừp lăm sa tợjuh, yàu aràng lăm buol adơi-ai, tui you pràn droi hũ, pioh kớri bẻ sa-sít priã

† 15:54 15:54 Êsai 25:8. ‡ 15:55 15:55 Ôse 13:14.

droi duah hũ, bloh nũn pioh-tèm lăm sàng droi, juoi càng tũ dolhã truh nũn ka rì-daũ. ³ Tũ dolhã truh, dolhã roũ pơđar du mơnih bloh buol adoi-ai hũ rowah, apăn bơ-àr dolhã wã poyoa gãm sǎng phõn-priã buol adoi-ai dǎng broi-soh, truh tở ploi-prǎng Jerusalem. ⁴ Sǎng yah ỡ la dolhã pãl nau, nũn buol guũu roũ nau gãm sǎng dolhã.

Bruã Pôl Sơnững Ngã-Nìn

⁵ Dolhã roũ truh ỡũ-rowǎng buol adoi-ai hơdoi tũ dolhã pleh gãn ỡar Masedoan, koyoa dolhã pãl pleh gãn ỡar Masedoan. ⁶ Dolhã roũ dò wở sǎng buol adoi-ai, hũ rợgơi lăm luĩ blàn mớrèt, hơdoi mững nũn yòng buol adoi-ai ba bõnau dolhã nau truh tở du anih dolhã khiǎng nau. ⁷ Yah Yàng broi gõnuar, nũn amǎng ni dolhã 'buh khiǎng mĩn pleh ỡũ-rowǎng buol adoi-ai bloh nũn tởbiã nau mự, bloh dolhã gõnũm-ỡàng hũ rợgơi dò wở sǎng buol adoi-ai lăm sa-sĩt tũ hơroi. ⁸ Bloh dolhã pãl dò wở lăm Ephesô tởl truh tở põnuai pỏjũm 'bǎng Pentikôt. ⁹ Koyoa tở anih nũn, sa bớh 'bǎng prǎng hũ pớh lớnàng tở gõnuar-bruã dolhã, yah lại sỏđau dò lỏ mơnih tǎmdrã.

¹⁰ Yah Timothe truh, nũn yòng buol adoi-ai sỡh-siàm hotai-hotiàn wǎ-rò nũ, juoi ngã tở nũ pãl huố-komlưh põnuai hợgẽ tởkrah buol adoi-ai, koyoa nũ kũng ngã bruã tở Yàng yờu rùp-phũn dolhã rói. ¹¹ Koyoa nũn, juoi aràng sỡ ỡr 'buh sỏp tở nũ. Yòng buol adoi-ai dǎng ba bõnau nũ mớrai wở rĩng-lợngai sǎng dolhã, koyoa dolhã gãm sǎng buol adoi-ai tở anih ni dò ỡàng nũ.

¹² Mững Apôlỗs, adoi-ai buol gudroi, nũn dolhã hũ abih hotai-hotiàn kỏkỏi-pơđar nũ nau gãm sǎng buol adoi-ai pỏkỏn truh ỡũ-rowǎng buol adoi-ai, bloh nũ ka khiǎng nau tũ ni. Nũ roũ nau tũ hũ tũ hơnàn truh.

¹³ Buol adoi-ai pãl mớđớh-kraũ bẻ sǎng dò dǎng kợ-jǎp lăm põnuai pǎng-tui, hĩl-kỏjǎp hotai-hotiàn bẻ sǎng

pràn-khăng. ¹⁴ Togrở pơnuăi hơgẽ buol adoi-ai ngã, nữn ngã bẽ lăm hotai-hotiàn uởn-rơnăm.

¹⁵ Ở buol adoi-ai, dơlũa dò sa pơnuăi kơkơi-pơđăr tra: Buol adoi-ai thơu sàng-dơnò Səphana la mơboh akỗ thữn lăm cầ Acai, sớng thơu lài sàng nữn abih hotai-hotiàn đờng duh bruă du mớnih sớchih-sri. ¹⁶ Dơlũa kơkơi-pơđăr buol adoi-ai pắl pắng-bơbah ngã tui du mớnih yơu nữn, kũng yơu pắng-bơbah ngã tui abih du mớnih kớng gleh-glăr duh bruă gắm sớng buol guũ. ¹⁷ Dơlũa sớh-sài biă koyoa hũ Səphana, Phôtuma sớng Acaikơ truh tơ anih ni, koyoa buol guũ ala buol adoi-ai la du mớnih siốu mọtơ truh cầ-rơwắng dơlũa. ¹⁸ Biă yơu nữn, buol guũ hũ ngã tơ hotai-akỗ dơlũa kũng yơu buol adoi-ai hũ kơđờng-lớngai. Buol adoi-ai pắl thơu cở prớng-màng bẽ tơ du mớnih yơu nữn.

¹⁹ Du Tơpuol Goh-Sớchih lăm cầ Asi pơyoa pơnuăi cầ-rơwắng buol adoi-ai. Akila, Prissil, gắm sớng Tơpuol Goh-Sớchih pơjũm-pơtòm lăm sàng buol guũ pơyoa pơnuăi cầ-rơwắng buol adoi-ai lăm Yàng. ²⁰ Abih buol adoi-ai dò tơ anih ni pơyoa pơnuăi cầ-rơwắng buol adoi-ai. Mă bẽ pơnuăi cầ-rơwắng sớchih-sri bloh cầ-rơwắng gồũ.

²¹ Dơlũa, Pôl, rùp-phũn tợngàn dơlũa wắ pơnuăi cầ-rơwắng ni.

²² Yah hũ aràng sơi 'buh duh-rơnăm Yàng, nữn pắ kơđờng alẽ-aluah!

Khoai Yàng, yòng sớmăr truh!

²³ Yòng lớkơu pơnuăi anit-bơoi-soh Yàng Jêsu Krist dò sớng buol adoi-ai!

²⁴ Dơlũa uởn-rơnăm abih buol adoi-ai lăm Yàng Jêsu Krist.

Chru

Chru: Chru (New Testament)

Copyright © 2020 Wycliffe Bible Translators, Inc.

Language: Chru

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 9 Feb 2021 from source files dated 6 Feb 2021

29890c73-845e-5b2d-84d7-4d631546315a